

TULAFONO O LE PULEGA A HAWAII
HAWAII ADMINISTRATIVE RULES

ULUTALA 8
TITLE 8

MATAGALUEGA O AOGA
DEPARTMENT OF EDUCATION

VAEGA O LE ULUTALA 2
SUBTITLE 2

AOAOGA
EDUCATION

VAEGA 1
PART 1

AOGA MO TAGATA LAUTELE
PUBLIC SCHOOLS

MATAUPU 19
CHAPTER 19

AMIO LE PULEA A TAMAITI AOGA, FA'ASALAGA, SUEINA O AOGA MA
LE FAOA O MEATOTINO, LIPOTIINA O SOLITULAFONO,
FA'ATALATALANOAGA MA LEOLEO MA LE AVE FA'APAGOTAINA MA
LE TOTOGIINA O MEA UA FA'ALEAGAINA.

STUDENT MISCONDUCT, DISCIPLINE, SCHOOL SEARCHES AND
SEIZURES, REPORTING OFFENSES, POLICE INTERVIEWS AND
ARRESTS, AND RESTITUTION FOR VANDALISM

Vaega o le Mataupu 1

Tu'utu'uga Lautele

§8-19-1	Filosofia
§8-19-2	Fa'amatalaga
§8-19-3	Fa'aaogaina
§8-19-4	Tu'u Eseina.

Vaega o le Mataupu 2. Amio le Pulea a Tamaiti Aoga Ma
Fa'asalaga i Totonu o le Tausaga Aoga
Masani.

- §8-19-5 Gaioiga mo Fa'asalaga: Pule
§8-19-6 Amio le fa'atagaina; solitulafono i totonu o vasega.
§8-19-7 Aveeseina mai ona o se fa'afitauli matuia.
§8-19-7.1 Suesuega
§8-19-8 Fa'amalolo
§8-19-9 Fa'agasologa e tatau ai o se fa'amalologa e silia atu i le
sefulu aso, auina atu i se isi nofoaga ona o le fa'asalaga ma
le fa'amutaina o le aoga.
§8-19-10 O le umi o gaioiga fa'afa'asalaga.
§8-19-11 O isi galuega fa'alea'oaoga ma isi fesoasoani pe a maua ua
solia e tamaiti aoga vaega o lenei mataupu.

Vaega Mataupu 3 Amio le Pulea a Tamaiti Aoga ma Fa'asalaga i
Aoga Fa'avaitau o le Mafanafana.

- §8-19-12 Gaioiga Fa'afa'asalaga; pule
§8-19-13 Amioga le fa'atagaina mo tamaiti aoga; solitulafono i totonu
o vasega.

Vaega o le Mataupu 4 Sueina o A'oga ma le Faoa o Meatotino.

- §8-19-14 Tulafono mo le tatalaina ma le sueina o loka a tamaiti aoga.
§8-19-15 Tulafono mo le sueina fa'alauaitetele o le aoga ma le faoa
fa'amalosi o meatotino.
§8-19-16 Pule
§8-19-17 O tu'utu'uga e mafai ai ona su'eina fa'alaua'itele le aoga ma
faoa o meatotino.
§8-19-18 Su'esuega ma le faoa o meatotino e le fa'atagaina.

Vaega o le Mataupu 5 Lipotiina o Solitulafono

- §8-19-19 Lipotiina o Solitulafono e tutupu i totonu o le aoga i le vasega
A ma le vasega B.
§8-19-20 Puipuiga mai le lipotiaina o solitulafono e tutupu i totonu o le
vasega i le vasega A ma le vasega B.

§8-19-21 Pa'u le lipotiina o solitulafono i le Vasega A po'o le Vasega B; a'afiaga

Vaega Mataupu 6 Fa'atalatalanoaga ma Leoleo ma le Ave Fa'apagotaina.

§8-19-22 Fa'atalatalanoaga ma leoleo i le aoga mo solitulafono e a'afia ai le aoga.

§8-19-23 Fa'atalatalanoaga ma leoleo i le aoga mo solitulafono e le a'afia ai le aoga.

§8-19-24 Ave fa'apagotaina e leoleo mai totonu o le aoga.

Vaega Mataupu 7 Totogiina o Mea ua Fa'aleagaina.

§8-19-25 O sala mo mea ua fa'aleagaina

§8-19-26 Alafua talafeagai mo mea ua fa'aleagaina.

§8-19-27 Faaleaogaina .

§8-19-28 Faaleaogaina

§8-19-29 Faaleaogaina.

Tala'aga tusia: O loo faavae maututu leni mataupu i luga o le "Tulafono 21, Faatatau lea i le faasalaina o le tamaititi aoga" a le matagaluega o aoga. [Eff 3/28/64; am 11/29/73; am 5/01/76; R 9/1/82]

O le tulafono e 3 e faatatau lea i faatalanoaga a leoleo ma le ave faapagotaina o tamaiti aoga i totonu o itula o loo fai ai le aoga."

[Eff 9/23/63; am 6/20/77; R 9/1/82]; "Rule 24, Relating to Students Smoking on School Premises" [Eff 3/28/64; R 9/1/82].

VAEGA O LE MATAUPU 1

TU'UTU'UGA LAUTELE

§8-19-1 Filisofia (a) Ua fa'atuina ma lagolagoina e Hawaii le alafua fa'aleaoaoga mo tagata lautele i le setete atoa. O le tulaga i le fa'amalosia o le auai i le aoga e fa'amausali ai le mauaina e so'o se tamaititi le avanoa e aoga ai. E le gata i le maua o le avanoa e a'oa'oina ai i le tausaga aoga masani, e ona ofaina atu foi e le matagaluega i tamaiti le avanoa e mauaina ai nisi fa'atonuga fa'aopopo ma auunaga fa'alea'oaoga e ala mai i fesoasoani pei o le polokalame mo aoga i le vaitau o le mafanafana o le auai e fai i le lotomalie o le tamaititi aoga. Ua maumaututu le naunautaiga o le matagaluega ina ia:

- (1) Tu'uina atu ni tulaga e silisili ona lelei mo le aoaoina o le tamaititi aoga;
- (2) Filifili faiaoga talafeagai mo le fa'atonuina o tamaiti aoga ; ma
- (3) Isi polokalame e mafai ona fesoasoani i le tamaititi aoga ina ia manuia lona taumafai. I le 1966 na amataina ai e le Matagaluega o Aoga i le Setete o Hawaii se auala galulue so'oso'otauau mo le fa'aleleia o le auunaga ua fa'aigoaina o le Alafua Aoa o Fesoasoani mo Tamaiti Aoga (Comprehensive Student Support System) e tu'uina atu ai auunaga eseese fa'aletino, mafaufau ma lagona mo tamaiti uma e lagolago ma fesoasoani ia latou aoga ina ia mafai ai e i latou ona ausia se tulaga maualuga. O se komiuniti (CSSS) o so'otaga fetausiai ma vavalalata i le va o tamaiti aoga, faiaoga, aiga ma matagaluega o lo'o galulue fa'atasi e fa'alauiloa auunaga vave ma le talafeagai mo tamaiti aoga uma. O le sini o le alafua a le aoga o le tu'uina atu lea o se avanoa e a'oa'oina ai e le fanau aoga tomai ina ia ausia le Tofamamao a le Tagata Fa'au'u mai Aoga Mo Tagata Lautele, Fuafuaga e Ausia ai Sini Autu a le Matagaluega o Aoga 2005-2008, Matagaluega o le Ofisa o A'oga a le Setete o Hawaii, Ofisa o le Pule Sili i se siosiomaga fa'aleaoaoga saogalemu, alofa, lelei le fa'afaileleina ma le fa'asologa.

(b) O le tiute o so'o se tamaititi aoga le fa'alia o uiga fa'aaloalo, migao, saogalemu ma isi amio pulea i luga o taavale a le matagaluega o aoga, a'o auai atu i ni polokalame ua lagolagoina e le matagaluega i totonu po'o fafo atu o le aoga. E lagolagoina e le matagaluega lenei tulaga e ala i le fa'atuina o se alafua mo fa'asalaga a le aoga atoa.

(c) Ae afai e faia e se tamaititi aoga se amioga e solia ai se tulafono, tu'utuu'ga ma ta'iala a le matagaluega, setete po'o tulafono faaitumalo e mafai e le matagaluega ona faia se fa'asalaga talafeagai e tusa ai ma lenei mataupu.

- (1) Fa'alauiloa ma tausisi i se siosiomaga saogalemu ma malu puipuia mo aoaoga;
- (2) Aoa ma fa'ataua amioga talafeagai e aoga i le gasologa o le aoaoga ma le atinaeina o le tagata;

- (3) Taofia mai tamaiti aoga mai gaiogiga e fa'alavelave i le mafuaga o latou aoaoina po'o aga e ono fa'aleagaina ai le tagata, fa'aleagaina ai lona taumafai pe le lelei ai foi le va ma tagata lautele; ma
- (4) Tausisia amio talafeagai a tamaiti aoga ina ia mautinoa e le o fa'alavelaveina galuega ma tiute fa'alea'oa'oga.
- (d) O se tagata faigaluega a le matagaluega o lo'o faia ma auai i se polokalame, galuega po'o se tausinioga a le aoga o lo'o lagolagoina e le matagaluega, pe o fa'afaigaluega foi i le tauaveina o se tulaga fa'alea'oa'oga e iai le talitonuga e tatau ona saoloto mai i ni fa'alavelave le ma'alofia ni aga tau fa'amata'u poo aga ma'ema'ea po'o ia vaega uma e fai agai iai latou e tamaiti aoga.
- (e) E fa'aopopo atu i gaiogiga fa'afa'asalaga o lo'o fa'atinoina i lalo o lenei mataupu, o le totogiina o mea ua fa'aleagaina, ma mea ua leaga ona o le fa'atamala o le a faia e tusa ai ma tu'utu'uga o lenei mataupu. O le fa'amoemoe o le toe totogiina lea o mea ua fa'aleagaina o le fia fa'aititia lea o amioga fa'aleaga mea pe ona o le fa'atamala foi ina ia fa'amautinoa ai le mafaia lea o le toe maua mai o le tau o meatotino ua fa'aleagaina ona o tulaga ua maea ona taua.
- (f) E iai nisi o taimi o le a mo'omia ai le fa'atalatalanoaina e le ofisa o leoleo tamaiti aoga pe taofia foi. O le fa'amoemoe o lenei mataupu o le malupuipuina lea o aiatatau ma mea o lo'o fa'ataua e tamaiti o lo'o aafia ma le galulue fa'atasi ma le ofisa o leoleo i le fa'atinoina o o latou tiute, ina ia fa'asaoina le si'osi'omaga fa'aleaoga, ma fa'ailoa tiute o tagata faigaluega a le aoga. [Eff 9/1/82; am 5/23/86; am and comp 7/19/93; am and comp 5/19/97; comp 2/22/01; am and comp 9/10/09] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

§8-19-2 Fa'amatalaga. E pei ona fa'aaogaina i lenei mataupu.

"Gagana Masoa" o lona uiga o feau tautala e fa'aogaina ai upu le talafeagai i se auala e ono aofia ai ae le gata mai i le palauvale, upu faifai ma le mataga.

"Fa'ao'olima" o lona uiga o le fa'ataunuuina ma le mautinoa, le fa'autauta po'o le fa'atamala foi o se manuaga tuga i le tino poo se manuaga tuga i le tino o se tasi tagata e fa'aoga ai se aupega matautia po'o le aunoa foi.

"Tau fa'amata'u" o lona uiga o so'o se tusitusiga, feau tautala, ata po'o se gaiogiga e faia e se tamaititi po'o se vaega o tamaiti e fa'aali atu i se tamaititi po'o ni tamaiti ma o ia uiga ua mafua ai se manua fa'alemafau po'o le fa'aletino i se isi tamaititi ua matua ogaoga, faifai pea ma fa'alavelave ua avea ai ma se tulaga ua fa'afefeina ai ma faaleagaina ai le siosiomaga aoaoina mo isi tamaiti.

"Talepe Fale" o lona uiga o le ulafale lea po'o le nofo ai i le aoga e aunoa ma se fa'atagana i se nofoaga e pulea pe o fa'aaogaina e le Matagaluega o Aoga ma le naunautaiga ina ia fa'aoo se solitulafono ise isi tagata po'o meatotino foi a le aoga po'o nisi lava meatotino o lo'o i totonu o le Aoga.

"Le Auai i Vasega." o lona uiga o le le auai lea o se tamaiti aoga i le vasega e aunoa ma se fa'atanaga aloaia.

"Pule Sili o Aoga Fa'aitumalo" o lona uiga o le ta'iulu o aoga i lena vaega ma aoga uma o lo'o aofia ai i totonu.

“Oloa Fa’asaina” o lona uiga o se meatotino e le fa’atagaina e le tulafono ona fausia pe umiaina, e tusa ai ma tulafono a le aoga e fa’asaina i luga o le lotoa a le aoga ma ua o’o ai ni manuaga i nisi ma fa’alavelavea ai le fa’atautaiga o le aoga i se taimi ua tuana'i.

“Fuala’au Fa’atonutonuina ” o lona uiga o se fualaa’u po’o se vailaa’u o lo’o fa’amatalaina mai i le I e oo atu i le V i le mataupu 329, Tulafono toe lloiloina a Hawaii.

“Fa’asaoga ma se Feiloaiga ma le Tamaititi Aoga” o lona uiga o se feiloaiga i le va o le tamaititi aoga ma se tasi o le pulega po’o lona faiaoga ma/po’o matua foi ma taulimaina ai ni fa’atonuga e fa’ailoa atu ai uiga ma amioga talafeagai.

O le “aveeseina mai ona o se fa’afitauli matuia” o lona uiga o le aveeseina mai loa o se tamaititi mai le aoga i se tulaga fa’afuasei, ona o le amio a lea tamaititi ua manino le ono tulai mai ai o se tulaga e lamatia ai lona saogalemu fa’apea le saogalemu o isi, pe ona o le ova o le fa’asoesa o lea tamaiti ua manaomia ai le aveesea mai ina ia fa’atumau pea le aiatatau a isi tamaiti aoga o le maua lea o lo latou aoaoina e aunoa ma ni tulaga e fa’alavelaveina ai.

O le “tau fa’amata’u e fa’aoga ai feso’otaiga televave fa’aonaponei o lona uiga o le fa’aaluina lea i luga o le initaneti, telefoni feaveai, ma le masini komepiuta fesoasoani, po’o se masini e uu i le lima e le” fa’aaogaina ni uaea ua fa’aalia e se tamaititi i se tasi tamaititi a’oga po’o se tagata faigaluega foi a le matagaluega, ua afaina ai le mafaufau ma le tino o isi tamaiti aoga le siosiomaga fa’a lea’oa’oga o lea tamaititi po’o tamaiti ma tagata faigaluega ona o le tuga, faifai pea ma le fa’asoesa o nei tulaga tau fa’amata’u.

- (1) I luga o le lotoa, po’o isi nofoaga e pulea e le matagaluega o aoga, luga o taavale a le matagaluega, a’o faia se galuega po’o se tausinioga e lagolagoina e le matagaluega i totonu po’o fafo foi o le aoga
- (2) Fa’aui atu i totonu o feso’otaiga a le matagaluega o aoga e aunoa ma se fa’atagana aloaia; po’o le
- (3) Fa’aui atu i feso’otaiga fa’akomepiuta i fafo o le aoga, ma o le ogaoga o ona a’afiaga ua afaina ai le siosiomaga fa’aleaoaoga o se tamaiti aoga po’o se tagata faigaluega pe o vaega uma e lua.

I le iloiloina o se amio ua fa’aalia pe o aofia ai se sauaga, tau fa’aleaga po’o le tau fa’amata’u foi e tatau ona silasila toto’a i upu sa fa’aaogaina ma gaiogiga foi sa faia, pe na fa’atinoina lenei amio i luma o ni tagata pe sa fa’ailoa atu foi i nisi, pe fa’ape’i le va feagai o le na faia lenei amio ma le ua afaina atoa ai ma le mafuaaga, pe afai ua ioeina pe ua fa’ailoa mai i se auala talafeagai. O fetusiaiga e fa’aaoga ai masini komepiuta e aofia ai ae le fa’agata mai i le fa’aaogaina o fa’amatalaga eseese, imeli, feau tusitusia pupu’u, ata pue, ata migoi, upega tafailagi ma isi auala fa’apena.

Mea faigaluega faatupu leaga po’o ni mea matautia” o lona uiga o so’o se masini, meafaitino po’o se kemikolo ola pe leai foi o lo’o fuafua e fa’aoga e fa’aoo ai le oti po’o ni manuaga. O ia mea e aofia ai ae le fa’agata mai i naifi, pomu paipa, mea fa’apapa, mea fa’apasi ma isi mea e fa’aaoga i a’oa’oga fa’akalate e iai laau, fetu velo ma isi mea pei o laau, paipa ma pate pesipolo ua sasau atu i se tagata i se auala ita e ono afaina ai le ola ma manu’a ai lea tagata.

“Aupega Matautia” o lona uiga o se mea faigaluega ua fausia fa’apitoa mo le fa’ataunu’uina o le oti po’o ni manu’a tuga i le tino. O fa’atautaiga o nei mea faigaluega e aofia ai ae le gata mai i naifi fa’amoe ma isi ituaiga naifi eseese, uamea e fa’amaulu i tamatamailima, fana ma, isi aupega e ono mafua ai le oti po’o ni manuaga i le tino.

“Matagaluega” o lona uiga o le Matagaluega o A’oga.

“Taofia o le tamaititi i itula e le o fa’atautaia ai le aoga mo lona fa’asalaga” o lona uiga o le taofia lea o le tamaititi mo le fa’ataunuina o lona fa’asalaga po’o se galuega talafeagai i totonu o le aoga ua fa’atonuina e tagata o le ofisa e tusa ai ma le sala ua fai.

O le “si’itiaga fa’afa’asalaga” o lona uiga o le aveesea o se tamaititi mai le aoga o lo’o aoga ai e mafua mai ile soliina o le vaega 8-19-6. O le si’itiaga fa’afa’asalaga e le aofia ai mataupu ua toe fa’au i tua le fa’atagana e aoga ai i se isi aoga e ese atu ma le vaega e alala ai e i lalo o le ulutala 13 ulutala 8 ona o le tulaga o le mafuaga na tu’uina atu ai le fa’atagana ua le o toe mautulaga

O le “fa’ateaina” o lona uiga o le aveeseina mai o le tamaititi aoga mai aoga mo tagata lautele a Hawaii mo le toega o le tausaga aoga mo se vaitaimi e le ititi mai ile tausaga mo le soliina o le tulafono mo le tauaveina aupega fa’asaina. “Amio le Pulea” o lona uiga o gaioiga ma amio le pulea e fa’atinoina i totonu o le lotoa po’o isi nofoaga e pulea e le matagaluega, luga o taavale a le matagaluega, po’o taimi e fai ai ni tausinioga ma galuega o lo’o lagolagoina e le matagaluega i totonu po’o fafo foi o le aoga.

- (1) Auai atu i fusuaga po’o le tau fa’amata’u po’o le fa’aalia o ni aga tufanua e pei o le e’e ma le tauvalaa’u leotele;
- (2) Ova le pisapisao ua fa’alavelave ai i galuega masani a le aoga;
- (3) Lafoina o upu masoa ma fa’aalia uiga ma tulaga le mafaufau i se tasi tagata e ono fa’aosofia ai lena tagata e tali mai i se auala saua;
- (4) Fa’atupuina o se gaioiga matuia ma ogaoga e le fa’atagaina lona fa’atinoina i lalo o so’o se pemita po’o se laiseseina aloaia;
- (5) Taofia lea po’o le fa’alavelave atu i se tagata e ala i le aisi mo se tupe po’o se isi ituaiga fesoasoani; po’o le
- (6) Faia lea o ni feso’otaiga fa’aletagata le talafeagai e aofia ai ae le gata mai i le maliega mo se faigaaiga po’o le fepaiai foi i itutino po’o vaega uma e lua.

“Mea e gaosi ai ma mo’omia mo le fa’aaogaina o fualaa’u fa’asaina” o lona uiga o so’o se mea faitino o lo’o fa’aaoga pe fa’amoemoe e fa’aaoga i le totoina, seleseleina, gaosiaina, fafaoina, teuina, nanaina, tuiina, taumafaina, sinifiina po’o se isi lava auala e fa’aoo atu ai i totonu o le tino o le tagata lenei vailaau fa’asaina ua solia leni mataupu. E aofia ae le gata mai i:

- (1) O mea faitino e pei o fua mamafa, ipu, masini vili meaai, ipu fa’aofuofu, mea e tu’u ai mea, sipuni, paluni, teutusi ma isi lava mea e fa’aaoga, pe fuafua e fa’aaoga ma faia fa’apitoa mo le gaosiaina, teuina, natiaina o nei vaila’au fa’asaina.
- (2) Tui ma nila ma isi lava ituaiga mea faitino ua fa’aaogaina pe fuafua e fa’aaoga mo le tuiina o vaila’au i totonu o le tino o le tagata.
- (3) O mea e fa’aaoga, fuafua e fa’aaoga ma ua faia fa’apitoa mo le taumafaina, mimitiina ma le fa’aofiina atu o le mariuana, kokeni, aisa ma isi ituaiga o vaila’au fa’asaina i le tino o tagata e iai:
- (A) Paipa la’au, paipa tioata, paipa ma’amora, paipa vai, ufimata e fa’aaoga mo le ulaula ma le fa’aalu a’e ai o le kasa, kilipa e fa’aaoga e u’u ai mea e le mafai e le lima ona u’uina ona o le laiti ma pupu’u pei o sikaleti mariuana;

(B) Sipuni laiti, fagu, paipa ma isi mea faitino e fa'aaoga i le tagofiaina o le kokeni.

(C) Ma isi lava meafaitino mo le gaosiaina ma le fa'aaogaina o vailaau fa'asaina o lo'o fa'amatala ma fa'asino agai le itu 329-1 Tulafono toe lloilo a Hawaii.

“Tagata Faigaluega a le Aoga” o lona uiga o se tagata o le pulega, tomali fa'apitoa, faiaoga po'o se tagata o lo'o ofo fuaina atu lana auunaga i se polokalame, galuega po'o se tausinioga a le aoga o lo'o lagolagoina e le matagaluega o a'oga, po'o se tagata ua fa'afaigalueina fa'akonekarate e le matagaluega o lo'o tauaveina ni tiute fa'alea'oaoga.

O le “fa'aaogaina o ni auala le fa'atulafonoina” e se tagata ina ia:

(1) Mauaina, pe faia ma le malosi le pule i meatotino po'o se auunaga a se tagata ma le naunautaiga ia le maua e lea tagata le meatotino po'o le auunaga foi i le lafoina lea o ni upu po'o le fa'aalia lea o ni uiga tau fa'amata'u:

(A) Fa'ao'oina i le lumanai o ni manuaga i le tino o le tagata o lo ua fa'amata'uina po'o se si lava tagata;

(B) Fa'aleaga meatotino;

(C) Fa'amata'uina le tagata i le taofiaina fa'amalosi;

(D) Fa'ailoa atu se mea lilo po'o se mau e moni pe sese foi, e ono inosia, itagia, fa'amaina ma fa'amamasagia ai le ta'uleleia o se tagata po'o se pisinisi foi;

(E) Fa'aali atu se fa'amatalaga o lo'o taumafai le ua fa'amata'uina po'o sesi lava tagata e natia;

(F) Molimau ma tu'uina atu ni fa'amatalaga, taofia le molimau po'o ni fa'amatalaga e fa'atatau ise tagi fa'aletulafono a se isi tagata po'o lana tete'e foi;

(G) Faia pe taofia foi se gaioga fa'a tagata faigaluega ale malo, pe avea foi ma le mafuaga e faia ai pe taofia ai e se tagata faigaluega a le malo sea gaioga;

(H) Fa'aaua mai po'o le fa'aauuina o se solotete'e, solitu po'o sesi lava gaioga tu'ufatasi, ina ia maua ni meatotino e lei poloai'na pe maua foi mo le penefiti o le vaega lo'o fa'apea le tamaititi o lo'o avea ia ma sui; po'o

(I) Le faia o se isi lava gaioga e le o maua ai se penefiti tele mo le tagata ua fa'ataunu'uina lea gaioga ae matua afaina ai le soifua maloloina, saogalemu, aoaoina, pisinisi, valaauina, galuega, tulaga tau tupe, ta'uleleia, po'o sootaga fa'aletagata a isi tagata

(2) Fa'amalosi pe unaia se tagata ina ia faia se amioga e iai le aiatatau a lea tagata e le auai ai, pe iai foi lana aiatatau e fa'atinoina ai ia amioga i le fa'aaogaina lea o ni upu po'o ni amioga ina ia faia nei gaioga e pei ona fa'ata'atia i le parakarafa (A) i le (I) i lenei fa'amatalaga po'o le

(3) Faia pe tu'uina atu se tupe ina ia fa'aauuina se aitalafu, pe aoina se aitalafu i se auala le fa'atulafonoina.

“Fusuaga” o le amataina po'o le fa'aosoosoina o se pa'i tino e aofia ai le ita ma le le malie tele. O fusuaga e aofia ai ae le gata mai i le:

- (1) Pa'i tino e aofia ai le ita ma le le malie tele;
 - (2) Taufalili, sauaina, taulafefe po'o le fa'amamasagia o isi e i'u atu ai i le ita po'o le le malie tele.
 - (3) Fa'aoga le malosia e tali atu ai i ulaga, sauaga, upu ma amioga taulafamata; po'o le
 - (4) Lagolagoina o le fusuaga i le auai ma avatu upu fa'amalosia;
"La'au Malosi" o lona uiga
- (1) O so'o se aupega e aofia ai ae le gata mai i fana e amata ai ta'aloga, fana ea e aofia ai fana pulu paipa, pulu pepa, fana polo vali ma fana au po'o se isi lava mea faitino o le a fa'aogaina pe faigofie foi ona fa'aliliuina ma fa'aoga e fana ai se mea;
 - (2) O le fa'ava'a o le aupega;
 - (3) O so'o se mea e pupuni ai pe taofia ai le leo o le la'au malosia; pe
 - (4) O so'o se meafaitino e fa'atamaia ai le ola po'o meatotino foi. O le uiga o lea upu o "meafaitino e fa'atamaia ai le ola ma meatotino":
 - (A) O so'o se mea fa'apa, meatau faasasao le afi, kasa o'ona:
 - (i) Pomu,
 - (ii) Pomu se'i
 - (iii) Loketi fana
 - (iv) ;Meatau fa'atonutonu e iai le ki fa'aola
 - (v) Maina; po'o
 - (vi) Se meafaitino e tai tutusa ma mea o lo'o fa'amatalaina atu i le parakafara fa'atoa ma'ea atu;
 - (B) O so'o se ituaiga a aupega e mafai pe ono mafai foi ona fa'aliliuina ma fa'aoga e fana ai se meatau lele e aofia ai ae le gata mai i aupega e ono fanaina pe memeiina ai ni meatau; pe
 - (C) O so'o se tu'ufa'atasiga o ni vaega ua faia fa'apitoa po'o fuafua e fa'aoga mo le fa'aliliuina o so'o se meafaitino e pei ona taua i luga, ma e mafai ona tu'ufa'atasia ai se aupega matautia.

"Saini Sese" o lona uiga:

- (1) O le saini sese lea e se tamaititi o se igoa e ese mai lona igoa moni i luga o se pepa; po
- (2) O le gaosia le fa'atulafoina lea o ni mea fa'aoga mo suega tupe po'o pepa ulufale i ta'aloga.

"Petipetiga" o lona uiga o le fa'amauiina po'o le tu'uina lea o se mea taua e talia ai le iuga o se tauvaga po'o se tulaga foi e ono tupu i le lumanai e le i lalo o le pule po'o le paoa o se tagat,i lalo o se maliega po'o se malamalamaaga o le a maua e se tagata se mea taua pe a fai e i'u i se tulaga ua fa'amoemoe iai. O petipetiga e le a'afia ai ni feuaiga fa'apisinisi moni e fa'aogaina i lalo o tulafono o konekarate, e aofia ai a e le gata mai i konekarate mo fa'afetauiga i se aso oi luma o ni oloa, po'o se maliega mo le totogiina o ni mea ua leiloa e mafua mai i petipetiga e aofia ai ae le gata mai i konekarate mo le puipuiga po'o le fa'amauiina mo le ola, soifua maloloina po'o le inisiua mo fa'alavelave.

“Sauaga” o lona uiga o se tamaititi aoga o lo’o sauaina, fa’afeifeina, e aofia ai le fa’amata’uina i luga o auala televave fa’aonaponei, fa’asoesa, po’o le fa’ate’iina o se isi tagata e ala lea i lona fa’aaogaina o amioga e aofia ai ae le gata mai i le:

- (1) Po, tulei,kiki, po’o le pa’i atu lea ise tagata ise auala le mafaufau, po’o le faia foi oni tulaga le mafaufau ise tagata;
- (2) Tau faifai, tau fa’alili, po’o le taufa’aoso lea ise isi tagata ise auala e ono fa’aosofia ai lea tagata e tali mai ise auala sau;
- (3) Faia lea o ni fa’amatalaga po’o le fa’aalia o uiga va’aia e maua ai nisi le lagona o le le nofo lelei, fa’amata’uina po’o le lamatia foi ole ola ona o mafuaga e aofia ai ae le gata mai i le, ituaiga tagata, lanu, atunuu na muai sau ai, tupuaga, alii pe tamaitai, ma le fa’alauiloaina o lona ituaiga tagata, tapuaiga, le ato’aatoa le malosi o le tino ma le naunautaiga e fa’alauiloa le itupa e fiafia iai e ono alia’e mai ai se siosiomaga ta’ufa’amata’u, sau, ma le logomalie e ono afaina ai le tamaititi pe matua afaina ai le avanoa aoga o lea tamaititi po’o tamaiti foi.
- (4) Tau faifai, faia o ni taga le mafaufau ma tau fa’alili ua fa’alumaina,fa’amamasagia, tau fa’amata’u ma fa’amaasiasiina ai se tagata;
- (5) Faiaina o se telefoni e aunoa ma se mafuaaga po’o se feso’otaiga tataui;
- (6) Faia fa’asoso’o o ni feso’otaiga fa’alilolilo i ni itula le fetau, i se gagana masoa i luga o le lotoa, nisi nofoaga a le matagaluega, luga o ta’avale, a’o faia ni galuega po’o se tausinioga e lagolagoina e le matagaluega i totonu po’o fafo o le aoga;
- (7) Fa’atupuina o le fefe e ono taofia mai ai isi mai le mauaina o le avanoa e fa’aaoga ai faleaoga, nofoaga, auaunaga po’o malae e pei o ae le gata mai i fale le taua; po’o le
- (8) Fa’aoo ni manua i le tino, taofiofi,tau fa’amata’u, po’o le taumulimuli pe o se tu’ufa’atasiga o ia tulaga uma;

Fa’aulufaleina” o lona uiga o le faia lea o ni amioga po’o se auala foi e fa’aulufale ai i se sosaiete a tamaiti aoga po’o se galuega i luga o le lotoa,isi nofoaga o le matagaluega o aoga luga o ta’avale, taimi o se galuega po’o se tausinioga e lagolagoina e le matagaluega i totonu po’o fafo o le aoga e ono afaina ai le tino po’o le mafaufau o le tamaititi aoga. O ia amioga e aofia ai a e le gata mai i le sasa, fasi, fa’ailoga, fosi le fa’amalositino,laina ma timuia, fosi le taumafaina o se meaai, ava ,vaila’au fa’asaina po’o se isi lava mea, fa’aaliina o itu tino i se auala le talafeagai e ono afaina ai le tino, mafaufau po’o vaega uma e lua o le saogalemu o se tamaititi aoga po’o ni faiga foi ua matua a’afia ai le mafaufau o le tamaitit aoga ua le maua ai sana moe po’o sana malologa, ua tu’u ai nao ia mo se vaitaimi umi ma fa’amasiasiina ai.

“Ave fa’amalosi” o lona uiga o le faia lea po’o le fuafua e fa’aaoga se tau fa’amata e maua mai ai se mea mai se isi tagata;

“Fasioti tagata” o lona uiga o le fa’aoina o le oti i se isi tagata.

“Fa’aaogaina le tataui po’o le fa’aogaina fesiligia o le initaneti po’o masini” o lona uiga ua soliina e se tamaititi le Tulafono mo le Fa’aaogaina o le Initaneti”, ¹ Tulafono mo le

¹ Matagaluega o A’oga Fetaulaiga ma Auaunaga Fa’ainitaneti, toe aiaina 11/29/2004; <http://nssb.k12.hi.us>

Fa'aaogaina o le Initaneti a le matagaluega,² ma le Taiala mo le fa'aaoga taliaina e le Lala mo Auaunaga Lagolago a le Fetaulaiga o feso'otaiga mo le fa'aaogaina o masini ma punaoa o feso'otaiga. ,³ O fa'ataitaiga o le fa'aaoga le tatau ma le fa'aaoga fesiligia o le masini a le ofisa ma punaoa o fetaulaiga fa'afeso'otaiga e aofia ai ae le gata mai i le fa'aleaogaina lea o fa'amama, polokalame mo petipetuga, fetufaa'i ai pese o ata le talafeagai ma le lagolagoina le manulauti ma le fa'amoemoe o le matagaluega. O kopi o nei tulafono e mafai ona mauaina i luga o le uepesaite ma o lo'o lisiina i fa'amatalaga pito i lalo, e mafai foi ona tapa i le ofisa o le aoga.

"Vaila'au le fa'atagaina" o lona uiga o le umiaina,vaevaeina, tagofiaina, gaosiina, fa'atauina ma le tufatufaina atu o ia mea o lo'o fa'asaina i lalo o le mataupu 329 o Tulafono ua toe aiaina a Hawaii ma le mataupu 712 Vaega IV o Tulafono toe lloiloina a Hawaii.

"Fa'atonuga mo tagata taitoatasi e feso'otai ma fa'aletonu i le amio a le tamaititi" o le iai o se tamaititi i lea tulaga o se iuga mai se gaioga fa'afa'asalaga ona o fa'aletonu i lana amio. O fa'ataitaiga o ia fa'atonuga mo tagata taitoatasi e aofia ai ae le gata mai i le atinaeina ma le fa'atinoina o ni fuafuaga e lagolago ai le amio, atinaeina o ni konekarate mo le amio po'o a'oaoga mo le fa'aleleia o amioga lautele po'o se tu'u'fa'atasiga o mea ua taua.

"Le Usitai" o lona uiga o le, le amanaiaina poo'o le musu e talia se fa'atonuga e mafai ona tu'uina atu e le faiaoga, tagata o le ofisa po'o se isi lava tagata faigaluega a le matagaluega.

"Fa'amalologa i totonu o le aoga" o lona uiga o le aveeseina le tumau mai lea o le tamaititi aoga mai lana polokalame ona o mafuaaga fa'afa'asalaga ae o lo'o tumau i lalo o le va'avaaiga a le auaigaluega a le aoga mo fa'atonuga mo le fa'amae'aina o galuega.

"Aoga le tumau e ese siosiomaga fa'alea'oaoga" po'o le "IAES" o lona uiga o le tu'uina atu lea o se tamaititi ua fa'amaloloina pe ua aveesea mai le aoga o lo'o aoga ai mo mafuaaga fa'afa'asalaga i se nofoaga le tumau ina ia fa'aauau le mauaina o auaunaga fa'alea'oaoga ina mafai ai e le tamaititi ona fa'aauau lona auai i le i le taiala lautele mo aoga ina ia mafai ona ausia taunuuga e pei ona fa'ata'atitia i lana polokame fa'alea'oaoga (IEP).

"Tagofiaina o so'o se mea e fa'atupu ai le ona" o lona uiga o le fa'aaogaina o mea e ono fa'alavelavea ai le gaioi ma le mafaufau masani e aofia ai a e le gata mai i le ava oona.

"O le peni/fa'asino leisa" o lona uiga o se masini e susulu mai ai se malamalama malosi e pei e foliga o se togi i luga o so'o se nofoaga e fa'asino pe ki agai iai ma e leai se fa'atagana aloaia mo lona aoga ma lona fa'aaogaina mai le matagaluega o aoga. Sei vagana ua fa'atagaina, e fa'asa ona fa'aaogaina i totonu o le lotoa, isi nofoaga a le matagaluega o aoga, luga o ta'avale, a'o faia se galuega po'o se tausinioga e lagolagoina e le matagaluega i totonu po'o fafo o le aoga.

² Tulafono Pule Faatonu a le Ofisa o Aoga 2170 toe aiaina 10/1997.<http://lilinode.k12.hi.us/STATE/BOE/POL1.NSF>

³ Matagaluega a Aoga a Hawaii 2170.1 Tulafono mo le Fa'aaogaina o le initaneti, toe aiaina 08/2000<http://www.k12.hi.us/~atr/policy2000/intaccreg.htm>

“Tu’ua o le lotoa e aunoa ma se fa’atagana” o lona uiga o le tu’ua lea o se nofoaga a le aoga, fale o le matagaluega o a’oga, po’o se polokalame a le matagaluega e aunoa ma se tapaina o se fa’atagana a se sui o le ofisa o le aoga.

“Fa’aletonu o le amio e le mamafa o latou a’afiaga” o lona uiga o amioga fa’aalia e le tutupu so’o, pu’upu’u le taimi o fete’enaiga ma le o’o atu ini tulaga ogaoga.

“Meli” po’o “ua meliina” o lona uiga o pepa ua lafoina i le:

- (1) Meli masani;
- (2) Meli Puipuiia; po’o
- (3) Meli e manaomia le toe fa’afoi atu.

“Fa’aletonu Laiti o le Amio” o lona uiga o le fa’aaliina lea o amio fa’aletonu mama e ono aofia ai ae le gata mai i amioga o lo’o taua i lalo;

- (1) “Tete’e/le fa’aaloalo/le usitai,” o lona uiga o le le tali atu o le tamaititi i se talosaga a se tagata matua;
- (2) “Fa’avevesi” o lona uiga o le auai lea o tamaiti i ni vevesiga laiti le talafeagai;
- (3) “Le Usitaia o Tulafono mo Lavalava” o lona uiga o tamaiti ua fa’aogaina lavalava e le o i totonu o le taiala mo lavalava ua maea ona fa’amatalaina atu e le a’oga;
- (4) “Gagana le talafeagai” o lona uiga o le fa’aaogaina lea e le tamaititi o se gagana le talafeagai;
- (5) “Pa’i tino” o lona uiga o le pai tino a tamaiti aoga i se tulaga e le matuia ae le talafeagai;
- (6) “Fa’aaoga le tatau o meatotino” o lona uiga ua fa’aaoga le tatau e le tamaititi meatotino a le aoga.
- (7) “Tuai” o lona uiga o le taunu’u atu lea o le tamaititi aoga ua amata le aoga, po’o le taunu’u atu o le tamaititi ua amata le vasega po’o itu uma e lua.

“Fa’atalale” o lona uiga o le le fa’aaogaina lea o ni auala fa’aetete e ono faia e se tagata fa’autauta ma le migao ua mafua ai ona afaina se tagata, leiloa, fa’atamaia, gausia po’o le fa’aleagaina o tusi, meafaitino ma sapalai a le aoga.

“Matua” o lona uiga o matua moni po’o matua fa’aletulafono, tagata o lo’o vaايا fa’aletulafono le tamaititi. Mo tamaiti ua sefuluvalu ma sili atu o latou tausaga, o aiatatau uma fa’amatua o le a tu’uina atu ile tamaititi.

Fa’aleagaina o Meatotino” po’o le “Fa’aleaga Mea”

- (1) Fa’aleagaina o meatotino a le a’oga po’o se isi tagata;
- (2) Fa’aleaogaina po’o le talepeina o meatotino a le aoga po’o le ofisa; po’o
- (3) Fa’atamaiaina po’o le fa’aleagaina o meafaitino a le a’oga e aofia ai ae le faagata mai i kalena mo fuafuaga, pine e iloa ai le igoa poo le pepa mo le faatauina o mea ai”

“Avatu se fa’ailo sese” o lona uiga o le fa’atupuina lea e le tamaititi aoga o se fa’ailo sese e fa’atatau i se mu po’o se isi fa’alavelave tupu fa’afuasei ua fa’aoo atu i se tagata o le ofisa o le tinei mu, matagaluega a le malo, po’o se ofisa mo tagata lautele e feagai ma fa’alavelave tutupu fa’afuasei e aofia ai tulaga faigata e ono afaina ai le ola ma meatotino;

“Totogi o mea ua fa’aleagaina” o lona uiga o totogi fa’atupe ma totogi e le fa’atupeina ua tu’uina atu i le matagaluega po’o le Setete o Hawaii mo se totogi

talafeagai o meatotino a le aoga ua leiloa, fa'aleagaina, taei ma fa'atamaia ona o le fa'atalale po'o le fa'aleaga mea o se tamaititi aoga.

“Fao fa'amalosi” ave fa'amalosi lea o tupe po'o tagata e le tamaititi ma o lona fa'atinoina o ia gaiogiga ua ia”

- (1) Taumafai ai e fasioti se isi tagata, po'o le fa'aoo po'o le taumafai foi e fa'ao'o ni manua tuga i se isi tagata; e
- (2) Fa'aaogaina se mea faigaluega matautia pe aunoa foi:
 - (A) Fa'aaogaina le malosi agai i se isi tagata ma le naunautaiga ina ia pulea fa'amalosi lea tagata ma lona malosi e tete'e atu ai ia tulaga;
 - (B) Faamatau atu le faaaogaina o le malosi i se tagata poo se tasi o loo iai ina ia faamalosi lona ioeina o le aveina po o le sola foi ma le mea;
 - (C) po'o leFa'ao'oina o ni manu'a tuga i se isi tagata.

“Aoga,” “Aoga mo Tagata Lautele,” o lona uiga o a'oga uma ua fa'atuina ma tausia e le matagaluega e tusa ai ma tulafono a le setete.

“Tusi Aoga” o lona uiga o tusi o le faletusi ma tusi e fa'aaoga mo mataupu.

“Sui o le ofisa o aoga” o lona uiga o se tagata o le pulega, tomai fa'apitua, faufautua, faiaoga, leoleo mo le saogalemu a le a'oga, po'o se si lava tagata faigaluega e feagai ma le va'ava'aiina o tamaiti aoga. E le a'afia ai ma tagata taitoatasi na faaaogaina a latou auunaga

“Solitulafono e a'afia ai le aoga” o lona uiga o solitulafono e a'afia ai meatotino, po'o solitulafono na fa'atinoina i luga o le lotoa, po'o nisi nofoaga a le matagaluega, i luga o ta'avale, po'o a'o faia ni galuega po'o tausinioga e lagolagoina ele matagaluega i totonu po'o fafo o le aoga.

“Tulafono a le Aoga,” o lona uiga o ta'iala mo amio ua fa'ata'atitia e le aoga.

“Tagata faigaluega a le aoga.” O lona uiga o le faiaoga, tagata ofisa po'o so'o se isi lava tagata o le matagaluega “Suesuega” o lona uiga i le mae'a ai ona talosagaina o le tamaititi ina ia tu'uina atu i lona lotomalie oloa fa'asaina ae te'ena e le tamaititi ae o lo'o iai ni tulaga talafeagai ua talitunuina ai le soliiina e le tamaititi le tulafono po'o vaega ua fa'asaina i lalo o lenei mataupu, pe iai foi se tulaga e a'afia ai le saogalemu ma le soifua maloloina ona o vaila'au fa'asaina., aupega mata'utia, meatau mata'utia po'o la'au malosi, pe o se tu'u'afatasiga o vaega uma na, e mafai e le ofisa o le a'oga ona suesueina mea totino e aofia ai ae le gata mai i mea o i totonu o ato teutupe, ato fa'afafa, ofu mafanafana, se'evae, totini po'o isi ofu i fafo.

“Faoa” o lona uiga o le aveeseina mai lea o oloa fa'asaina na mauaina pe na aliali mai i taimi o le suesuega.

“Fa'asalaga Mamafa” o lona uiga o gaiogiga fa'afa'asalaga e aofia ai le fa'atea, si'itia fa'afa'asalaga, aveeseina mai ona o se fa'afitauli matuia ma fa'amalologa e silia atu i le sefulu aso,pe o le aveeseina mai o le tamaititi ua a'afia ona o se fa'afitauli matuia ma fa'amaloloina mo se taimi e silia atu i aso e sefulu fa'aleaoga i so'o se kuata.

“Solitulafono mataga po'o solitulafono o le faiaiga fa'amalosi” o lona uiga o le tago le mo'omia ma le lotea lea o itutino sa, fa'aaliina le talafeagai o itutino sa, fa'aaogaina o le malosi i faiga aiga, ma faigaaiga e fa'aaoga ai na o fofoga ma isi tulaga fa'aletino fa'apena ua faia e ui ina manino le teena e le isi tagata pe ua le mafai foi ona fa'aali lona teena I le mafaufau po o le tino)

“Ulaula” po’o le “taumafa tapa’a” o lona uiga o le umiaina, tagofiaina, fa’atauina ma le tufatufaina o oloa tau tapa’a i totonu o le lotoa.

poo isi nofoaga a le matagaluega o aoga, I luga o taavale a le matagaluega o aoga, pe a o faia foi se faatinoga faatulagaina a le matagaluega o aoga poo nisi faatinoga o faia I totonu poo fafo o le lotoa a le aoga)

“Suesuega e aveese ai lavalava” o lona uiga o suesuega e mo’omia ai le aveeseina o lavalava e ono fa’aalia ai itutino sa, susu o tamaitai po’o ofu laiti pe o se tu’ufa’atasiga o ia vaega e tolu.

“Fa’amalolo” o lona uiga o le le auai lea i le aoga mo se vaitaimi patino i totonu o le tausaga aoga.

“Naifi fa’amoe” o lona uiga o so’o se naifi e otometi lona matala:

- (1) Pe a fa’aaoga le lima e o’omi ai se ki po’o se isi lava mea i le a’u o le naifi, po’o le
- (2) Matala e aunoa ma se gaioiga pe ona o le malosi foi o le toso a le ea po’o vaega uma e lua.

“Tau fa’amata’u fa’aterorisi” o lona uiga

- (1) O se taufa’amata’u e fa’aaoga ai upu po’o se amio foi e ono fa’atupu ai se manua ise isi tagata po’o fa’aleagaina ai ana meatotino;
- (2) Ma le fa’amoemoe e fa’atupu po’o le le amanaia o se fa’alavelave e ono aveesea mai tagata mai se fale, malae mo fa’apotopotoga, nofoaga po’o ta’avale; po’o
- (3) Fa’aalialiina lea o se mea e “foliga” i se fana po’o se aupega.

“Gaoi” o lona uiga:

- (1) O le mauaina lea, po’o le fa’amalosi o le pule i luga o se meatotino a sesi tagata ma ua le toe mauaina ai e lea tagata le meatotino;
- (2) Mauaina ma le fa’amalosi o le pule i luga o se meatotino a sesi tagata mai le fa’aseseina o lea tagata ma le toe mauaina ai e lea tagata le meatotino;
- (3) Mauaina, po’o le tu’u fa’amalosi o le pule i luga o meatotino a se si tagata ua fa’apea lea tagata ua leiloa pe ua tu’u seseina, pe ua momoli seseina e tusa ma le natura ma le tau o le meatotino, le igoa o le tagata na taliaina meatotino po’o isi mau fa’apena, i le fa’amoemoe ina ia le toe mauaina e le ona ia mea ua le uia ai e lea tagata auala tatau e logoina ai o ia e e ona nei meatotino;
- (4) O le mauaina lea o se auaunaga e iloa fa’atoa maua ona o se tau ise auala taufa’asese, auala sese, po’o se isi tulaga e alofia ai le totogiina ai lea auaunaga;
- (5) Puleaina o se auaunaga e tu’uina mai e se isi tagata e le tatau i lea tagata ona mauaina ma fa’au atu lea auaunaga mo lelei o lea tagata po’o se isi tagata e le tatau iai lea fa’amanuiaga;
- (6) Pa’u le tu’uina atu o tupe mo’omia i le:
 - (A) Mauaina lea o meatotino mai se isi i luga o se maliega po’o se tiute fa’aletulafono e totogiina ai po’o le tu’uina atu foi o se tupe na maua

- mai i le meatotino po le fa'atauina o lea meatotino pe aumai foi i meatotino a le tagata lava ia e tai tutusa le tau, ma le faia o feuiaiga i le meatotino e pei lava o se aseta a lea tagata ma le pa'u o le faiga o peimeni mo'omia; po'o le
- (B) Mauaina o ni auaunaga patino mai se tagata faigaluega i luga o se maliega po'o se tiute fa'aletulafono e faia ai o se peimeni po'o le tu'uina atu o se tupe i se isi tagata ona o lenei galuega ae ua le faia se totogi po'o se tu'utu'uga i se taimi talafeagai.
- (7) Taulimaina, taofia po'o le tiaiina o se meatotino a se isi tagata ma le mautinoa o se mea gaioi ma le manatu ina ia le toe mauaina e le ona lea meafaitino;
- (8) Gaioi i faleoloa
- (A) Natia po'o le aveina o oloa po'o mea fa'atau a so'o se faleoloa po'o se nofoaga e toe fa'atau atu ai oloa a le matagaluega ise auala fa'agaioi;
- (B) Suiina o le tau po'o isi fa'aailoga o tau i oloa ma mea fa'atau i so'o se faleoloa o le matagaluega po'o le se nofoaga e toe fa'atauina atu ai oloa a le matagaluega i se auala fa'agaioi; po'o le
- (C) Si'itia lea o ni mea po'o oloa mai le nofoaga e teuina ai a so'o se faleoloa po'o se nofoaga toe fa'atau atu ai oloa a le matagaluega o aoga i se auala fa'agaioi;

“Solivale le fanua” o lona uiga o le ulufale lea po'o le tumau ai i luga o nofoaga o so'o se aoga po'o fale o le matagaluega o a'oga i le mae'a ai se lapataiga po'o se talosaga mai le pulega a le a'oga po'o leoleo foi ina ia tuua le nofoaga.

“Tia'i Aoga” o lona uiga o le le auai lea o le tamaiti i vasega po'o le lotoa a le aoga e aunoa ma se fa'atagana mai le puleaoga po'o le sui filifilia . [Eff 9/1/82; am 5/23/86; am and comp 7/19/93; am and comp 5/19/97; am and comp 2/22/01; am and comp 9/10/09] (Auth: HRS §302A-1112) (Imp: Hawaii Const. Art. X, §3; HRS §§302A-101, 302A-1101, 302A-1112, 302A-1134, 302A-1134.5)

§8-19-3 Fa'aaogaina (a) O vaega o lenei mataupu e aofia ai tamaiti aoga uma o lo'o auai i aoga lautele i le tausaga aoga masani, aoga fa'avaitau o le mafanafana, a'oga faatova mo le fa'aleleia atili o le tomaiti i mataupu eseese, e le afaina le matua, e le gata i lena i fafo atu o itula o lo'o faia ai le aoga o tamaiti nofo tumau e tataua ona usitaia tulafono o le nofotumau ua fa'atuina e le aoga ma ua taliaina e matua po'o i latou ua va'aia fa'atulafonoina tamaiti i se maliega tusitusia.

(b) O tulafono o le pulega a Hawaii mo tamaiti e iai fa'aletonu o le tino e aofia i le fa'asalaga o tamaiti e agava'a mo a'oaoga fa'apitoa po'o isi auaunaga i lalo o mataupu na.

(c) O fa'amatalaga e fa'atatau i le puleaoga po'o le sui filifilia o le aoga i le vaega o le mataupu 2 o le a fa'auigaina e aofia ai le fa'atonu o le aoga fa'avaitau o le mafanafana mo fa'asalaga i le taimi o aoga o le vaiata o le mafanafana. O fa'amatalaga e fa'atatau i le tausaga a'oga i lenei mataupu o le a fa'auigaina e aofia ai ma a'oga fa'avaitau o le mafanafana i so'o se taimi lava e taua ai aoga fa'avaitau o le mafanafana.

(d) O fa'asalaga i taimi o aoga mo le toe fa'aleleia o le tomai i mataupu eseese ma aoga fa'avaitau o le mafanafana o le a limataitaina e le vaega o le mataupu 3. O le fa'asalaga o tamaiti e agava'a mo a'oaoga fa'apitoa pea toe fa'aopopoina le tausaga aoga a le tamaititi e limataitaina lea e le vaega o le mataupu 2, o taiala ma vaega e mo'omia e le tulafono mo le pulega o tamaiti e le ato'aatoa le malosi o le tino a Hawaii.

(e) I mataupu uma e i ai gaioiga fa'ale pulega ma lipoti e a'afia ai se tamaititi aoga o le a fa'aaogaina ai le mataupu 8-34. E le gata i lea mo tamaiti e agava'a mo a'oaoga fa'apitoa o le a fa'aaogaina le tulafono mo le pulega o tamaiti e le ato'atoa le malosi a Hawaii.

(f) E leai se gaioiga e aofia ai le fa'amalolo, fa'asalaga mamafa po'o le totogiina o mea ua fa'atamaia ona o le fa'aleaga mea po'o le fa'atalale foi e faia, sei vagana ai ua tusa ai ma lenei mataupu.

(g) O mataupu uma e fa'atatau i fa'atalatalanoaga ma leoleo po'o le ave fa'apagotaina o tamaiti aoga po'o tulaga uma e lua o le a fa'atautaia e tusa ai ma lenei mataupu. [Eff 9/1/82; am 5/23/86; am and comp 7/19/93; am and comp 5/19/97; am and comp 2/22/01; am and comp 9/10/09] (Auth: HRS §302A-1112) (Imp: Hawaii Const. Art. X, §3; HRS 302A-1101)

§8-19-4 Tu'u Eseina

Afai e iai se vaega o lenei mataupu po'o le fa'aaogaina foi i se tagata po'o se tulaga foi ua fa'aleaogaina, o ia itu e le afaina ai le tulaga po'o le vaega o le mataupu e mafai ona fa'aaogaina, i le fa'ataunu'u ai o lea tulaga e iai ni vaega o lenei mataupu e mafai ona tu'u eseina. [Eff 5/23/86; comp 7/19/93; comp 5/19/97; comp 2/22/01; comp 9/10/09] (Auth: HRS §302A-1112) (Imp: HRS §302A-1112)

VAEGA O LE MATAUPU 2

AMIO LE PULEA A TAMAITI AOGA I TOTONU O LE TAUSAGA AOGA MASANI

§8-19-5 Gaioiga fa'afa'asalaga; pule (a) O le fa'atagana mo fa'amalologa e silia atu i le sefulu aso po'o fa'amalologa e silia atu i le sefulu aso aoga i soo se piriota fa'aleaoga e tasi, si'itaga fa'afa'asalaga, fa'ateaina ma le toe fa'aumiina atu o le aveesina mai ona oni fa'afitauli matuia o le a aumaia e le Pule Sili o Aoga Fa'aitumalo.

(b) O le aveeseina mai ona o se fa'afitauli matuia ma fa'amalologa e ititi ane i le sefulu aso aoga e mafai ona fa'atagana mai e le puleaoga po'o le sui filifilia a le aoga.

(c) I le fuafuaina o gaioiga fa'afa'asalaga o le a mataituina e le puleaoga ma le sui filifilia o le aoga tulaga e pei o le naunautaiga o le ua solitulafono, o le natura ma le matuia o le solitulafono, ma le a'afiaga o tagata, pe na fa'atinoina e se tagata toatasi po' o se kulupu e pei o se kegi, tausaga o le ua faia le solitulafono, pe o le foi na faia le solitulafono na solitulafono muamua. [Eff 9/1/82; ren §8-19-4, 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §§302A-1112, 302A-1002) (Imp: HRS §§302A-1112, 302A-1002)

§8-19-6 Amio a tamaiti aoga e le fa'atagaina; solitulafono i vasega. (a) O amioga e le fa'atagaina e aofia ai tamaiti aoga uma, i totonu o le alafua a oga mo tagata lautele, luga o le lotoa, po'o isi nofoaga a le matagaluega, luga o ta'avale, po'o se galuega po'o se tausinioga e lagolagoina e le matagaluega i totonu po'o fafo o le aoga.

- (1) Solitulafono Vasega A:
 - (A) Fa'ao'olima;
 - (B) Talepe fale;
 - (C) Umiaina ma le fa'aaogaina o se meafaitino matautia;
 - (D) Umiaina ma le fa'aaogaina o a'upega matautia;
 - (E) Umiaina, fa'aaogaina ma le fa'atauina o meafaitino e gaosia ai fualaau fa'asaina
 - (F) Fa'aaogaina o auala solitulafono e maua ai mea;
 - (G) Fusuaga;
 - (H) Umiaina ma le fa'aaogaina o laau malosi;
 - (I) Fasioti tagata;
 - (J) Umiaina, tagofiaina ma le fa'atauina o vailaau fa'asaina;
 - (K) Umiaina, tagofiaina ma le fa'aaogaina o vaila'au e tupu ai le ona;
 - (L) Fa'atamaiaina o meatotino po'o le fa'aleaga mea;
 - (M) Gaoi fa'amalosi;
 - (N) Solitulafono o feusuaiga le fa'atagaina
 - (O) Taufamata'u fa'aterorisi
- (2) Solitulafono Vasega D:
 - (A) Taufamata'u;
 - (B) Taufamata'u e fa'aaoga ai masini mo feso'otaig fa'aonaponei;
 - (C) Amio le Pulea
 - (D) Avatu se fa'ailo sese
 - (E) Saini Sese
 - (F) Ta'alo Tupe
 - (G) Sauaina
 - (H) Fa'aoga metotia sau e fa'aulufale ai se tagata fou i totonu o se vaega po'o se fa'alapotopotoga;
 - (I) Fa'aaogaina le tatau po'o le fa'aaogaina e ono fesiligia o le initaneti ma masini po'o vaega uma e lua;
 - (J) Gaoi; po'o le
 - (K) Solivale o fanua.
- (3) Solitulafono Vaega I:
 - (A) Gagana Masoa;
 - (B) Le Auai i Vasega;
 - (C) Le Usitai;
 - (D) Umiaina ma le fa'aaogaina o peni leisa/fa'asino leisa
 - (E) Tu'ua le lotoa e aunoa ma se fa'atagana
 - (F) Ulaula sikaleti po'o le
 - (G) Tia'i Aoga
- (4) Solitulafono Vasega O

- (A) Umiaina ma le tagofiaina; o oloa fa'asaina;
- (B) Fa'aletonu laiti ile amio ma
- (C) Isi tulafono a le Aoga
 - (i) Isi lava amio e pei ona fa'amatalaina ma ua le fa'atagaina e tulafono a le aoga. O isi tulafono a aoga taitasi o le a lolomiina ma fa'apea ona avanoa mo le maimoaina i le ofisa a le aoga ma o le a logoina ai tamaiti aoga, aufaigaluega a le aoga ma matua i amio e le fa'ataganaina i lalo o le vasega A e o'o i le vaega E o lenei itu.
 - (ii) E leai se gaioiga fa'afa'asalaga e o'o atu i se fa'afa'asalaga mamafa o le a tu'uina atu mo le soliina o tulafono taitasi fa'aleaoga e i lalo o le vasega E

(b) O so'o se tamaititi na te umiaina se laau malosi o le a fa'atea ma le aoga mo se piriota e le ititi ifo i lalo o le tasi le tausaga fa'akalena. O le umiaina ma le fa'aaogaina o se laau malosi e le fa'ataganaina i luga o le lotoa, so'o se nofoaga o le matagaluega a aoga, luga o taavale a le matagaluega, a'o faia se galuega po'o se tausinioga e lagolagoina e le matagaluega i totonu po'o fafo o le aoga sei vagana o lo'o auai i au afeleti, kalapu ma po'o au fa'aleoleo laiti a le ami (JROTC), polokalame fanafana ma toleniga fanafana ma tauvaga. O le pule sili ma le sui filifilia o le aoga e fa'avae i tulaga o se mataupu e mafai ona suia le iuga i le fa'ateaina o se tamaititi ua maua o umia se laau malosi. A fa'ateaina se tamaititi mai le aoga o le a tu'uina atu i lea tamaititi ni galuega fa'aaoga e ese atu ma isi fesoasoani talafeagai e pei ona taua i le itu 8-19-11.

(c) O so'o se tamaititi e umia, fa'atau pe fa'aaogaina se aupega matautia, naifi fa'amoe po'o se si lava naifi e le talafeagai lona fa'aaogaina, vaila'au e fa'atupu ai le ona, po'o vaila'au fa'asaina a'o aoga e ono aveesea mai i le auai atu i le aoga mo se e piriota e iva sefululua aso aoga. O so'o se tamaititi e foliga mai o lo'o i lalo o le malosi, ua tagofiaina ma ua fa'aaogaina mea e fa'atupu ai le ona po'o vaila'au fa'asaina a'o aoga po'o auai i galuega o lo'o vaia e le matagaluega o lo'o faia i luga o le lotoa po'o se si o nofoaga a le matagaluega, luga o taavale a le matagaluega i totonu po'o fafo o le aoga e ono aveesea ma le aoga e o'o atu i le ivasefululua aso, ma o le a faia e le aoga se suesuega o le fa'aaogaina o vailaau e iloa ai pe manaomia le tu'uina atu o le tamaititi i le vaega mo le iloiloina o le fa'aaogaina o vailaau fa'asaina e tuliloaina ai le itu 302A-1134.6(f) Tulafono toe lilo a Hawaii. O le sui o le pulega a le aoga o le a mulimulitai i vaega o lenei mataupu i le fa'atautai lea o se suesuega o le mataupu ua lipotiina ma logoina matua e tusa ai ma le gaioiga fa'afa'asalaga. E le gata i lea o le a fa'atulaga e le sui o le pulega se avanoa e suesue ai e se tagata suesue ua ma'ea ona ao'aoina le tamaititi. O le tagata suesue ua filifilia o le a tu'u fa'atasia iuga o le suesuega ma logoina le sui o le pulega a le aoga i nei iuga. Ona logoina lea e le sui o le pulega a le aoga le aiga e tusa ai ma iuga o le suesuega, o vaega o le tulafono, ma tu'uina atu se lisi o ofisa inisia mo togafitiga fa'afomai e faia suesuega o vailaau eseese. Ao faia le suesuega o le a fesiligia le tamaititi ini fesili e saili ai pe ua laititi, maualuga pe maualuga tele le tulaga o le afaina o le tamaititi mai le fa'aaogaina o fualaau fa'asaina. A mae'a le suesuega fa'atalatalanoa ma fa'ailoa mai e maualuga pe matua maualuga le tulaga fa'aletonu o le fa'aaogaina o vailaau fa'asaina o le a tu'uina atu loa le tamaititi ise iloiloga aloia mo le fa'aaogaina o vailaau fa'asaina. O le iloiloga aloia e mo le tu'uina

mai lea o se finagalo o se e iai le tomai fa'apitoa e iloa ai pe o iai se fa'aletonu, afai o iai, ona tu'uina mai lea o se fofo ma fautuaga. Afai e tu'uina atu mo se iloiloga ile fa'aaogaina o vailaau fa'asaina, o tamaiti aoga e iai a latou inisiua mo togafitiga fa'afomai e tatau ona fa'afeso'otai i latou e vaaia o latou soifua maloloina mo se avanoa e vaai ai i latou. O tagata e mafai ona faia ia iloiloga e aofia ai tagata ua iai fa'ailoga i tulaga tau ile fa'aaogaina o vailaau o'ona (CSAC), faufautua mo le mafaufau, teine tausimai pasi lesitara, fomai o le mafaufau ma tagata fesoasoani mo le lautele ua laiseneina (APRN). O le pule aoga pe o le sui filifilia e mafai ona ia fa'atagaina le fa'amalolo mai le tasi i le sefulu aso aoga. O le pule sili o aoga fa'aitumalo o le a ia aumaia le fa'atagana mo fa'amalologa e silia atu i le sefulu aso. I le faataunuuina o lea pule-faitoatasi mo le faia o se fa'aiuga ma filifili se gaoiga fa'afa'asalaga o le a iloiloina e le puleaoga po'o le sui filifilia le natura, ma le mamafa o le solitulafono, le aafiaga o isi tagata, tausaga o le ua solitulafono, ma pe na solitulafono muamua. Afai ae aveese mai le tamaititi ma le aoga, o le puleaoga po'o le sui filifilia o le a fa'amautinoina le mauaina e le tamaititi isi galuega fa'aaoga e siu a'l faapea ma fesoasoani lagolago talafeagai, ma o le a tu'uina atu i le tamaititi ni aoaiga tatau fa'asalavei ma togafitiga po'o vaega uma e lua e pei ona filifilia e le puleaoga ma le sui filifilia i le maea ai o fa'atalatalanoaga ma le aufaigaluega talafeagai a le aoga e pei o tulafono a le pulega mo tamaiti aoga e iai fa'aletonu o le tino a Hawaii, pe a tusa ai.

(d) Gaoiga fa'afa'asalaga o le a faia mo solitulafono i vasega mai vasega fa'ataitai e o'o atu i le vasega sefululua e tusa ai ma alafua ua fa'atuina i lalo o lenei mataupu ma i totonu o vasega o lo'o mulimuli mai e pei ona filifilia mai e le pulega ua fa'ailoa mai i le itu 8-19-5. O gaoiga fa'asalavei e a'oaoina ai amioga talafeagai i tamaiti e tatau ona fa'atinoina pe a fa'ataunu'u gaoiga fa'afa'asalaga O faasalaga faatulagaina filifilia e aofia ai mea nei"

- (1) Fa'asaoga ma le fonotaga ma le tamaititi a'oga;
- (2) Taofia
- (3) Aveese mai i se fa'alavelave matuia;
- (4) Fa'atonuga e faia mo le tamaititi e toatasi e fa'atatau i le fa'aletonu i le amio a le tamaititi;
- (5) Faatulaiese mai totonu o le aoga
- (6) Tu'uina le tumau i se isi siosiomaga fa'aleaoga;
- (7) Aveese aia fa'apitoa;
- (8) Fonotaga ma matua.
- (9) Taimi i le ofisa
- (10) Faatulai mo le tasi i le sefulu aso;
- (11) Faatulai mo le sefulutasi aso ma sili atu;
- (12) Aoga ile Aso Toonai;
- (13) Si'itiaga Fa'afa'asalaga;
- (14) Tu'uina atu i isi polokalame fa'alea'oaoga;
- (15) Fa'atea; po'o
- (16) Totogi o mea ua fa'aleagaina.

(e) O le a fautuaina tamaiti e fa'aopopo atu i nisi gaoiga fa'afa'asalaga e faia i lalo o vaega o le itu (i) ma le (o).

(f) E leai se gaoigā e ono o'o atu i se fa'asalaga mamafa o le a faia i tamaiti e fa'atinoina solitulafono i le vasega O.

(g) E leai se fa'amalologa po'o se fa'asalaga mamafa o le a faia i so'o se tamaititi ona o le le auai i vasega ma le tia'l aoga.

(h) The disciplinary action options of subsections (c) and (d) shall be construed as disciplinary actions within a school year. (l) O vaega o gaoigā fa'afa'asalaga mo vaega o le itu (i) ma le (o) o le fa'auiga o gaoigā fa'afa'asalaga i totonu o le tausaga aoga.

(i) O gaoigā fa'afa'asalaga e ono tauaveina atu i le isi tausaga aoga o lo'o mulimuli mai pe a fa'apea o le solitulafono na faia i le i totonu o aso e luasefulu mai le aso mulimuli o fa'atonuga mo tamaiti i lēna tausaga aoga. [Eff 9/1/82; am and ren §8-19-5, 5/23/86; am and comp 7/19/93; am and comp 5/19/97, am and comp 2/22/01; am and comp 9/10/09] (Auth: HRS §302A-1112) (Imp: HRS §§302A-1112, 302A-1134, 302A-1134.5)

§8-19-7 Aveese mai ona o se fa'afitauli matuia (a) E ono aveesea mai e le puleaoga po'o le sui filifilia i se tulaga fa'afuaseia se tamaititi e fua i luga o ni sailiiliga ma se iuga e fa'ailoa manino mai ai o le amio a lea tamaititi ua iai se tulaga fa'amatau i lona saogalemu pe o le saogalemu o isi pe ua ova le fa'asoesa ua manaomia ai le aveesea mai o lea tamaititi ina ia fa'atumauiina ai le aiatatau a isi tamaiti o le mauaina lea o lo latou a'oaoina e aunoa ma ni fa'alavelave le mo'omia.

(b) I le fa'ataunu'uina ai o le aveeseina mai ona o se fa'afitauli matuia, o le a logoina ai i lēna lava taimi e le aoga i luga o lo latou fa'atuatuaga lelei matua e ala i le telefoni.

(c) O se fa'aaliga tusitusia e fa'atatau i le aveeseina atu ona o se fa'afitauli matuia o le a tu'u patino atu pe meliina atu i matua. O le fa'aaliga o le aveese atu ona o se fa'afitauli matuia o le aofia ai ma fa'amatala tusitusia e pei ona taua i lalo:

- (1) Tu'uaiga o gaoigā patino ua faia e le tamaititi ua fua iai le aveeseina ona o se fa'afitauli matautia;
- (2) O tu'uaiga o gaoigā patino ua fa'amaoniaina;
- (3) O le fa'amatalaga o (se) gaoigā fa'afa'asalaga; ma le
- (4) Fa'amatalaga o le aso, taimi ma le nofoaga o le fonotaga ua ofoina mai e le aoga e feiloai ai ma matua.

O le kopi o le fa'asilasilaga mo le aveeseina ona o se fa'afitauli matautia o le a lafoina i le pule sili o aoga fa'aitumalo. E fa'aopopo atu i le fa'asilasilaga o le aveese atu ona o se fa'afitauli matuia o loo manaomia e lēnei vaega o le a taumafai le puleaoga po'o le sui filifilia e fa'amautinoa le fa'asilasilaga i le telefoniina lea o matua.

(d) O se tamaititi na aveesea mai ona o se fa'afitauli matuia o le a mafai ona foi i le aoga i so'o se taimi lava e le toe iai lea fa'afitauli.

(e) O le aveeseina mai ona o se fa'afitauli matuia e le mafai ona fa'aauauina i le silia atu ma le sefulu aso, sei vagana ua fa'atagaina mai e le pule sili o aoga fa'aitumalo a'o faia se apili. [Eff 9/1/82; am and ren §8-19-6, 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: HRS §302A-1112)

§8-19-7.1 Suesuega (a) I le fa'atoa mae'a ai ona aveesea mai ona o se fa'afitauli matuia po so'o se taimi foi e masalomia e le puleaoga ma le sui filifilia ua auai se tamaititi ise gaoiga e ono mo'omia ai le tu'uina atu o se fa'amalologa, o le faia ai loa e le puleaoga po'o le sui filifilia se suesuega auiliili.

(b) A'o fa'atautaia se suesuega, o le a faia e le puleaoga ma le sui filifilia i lo la fa'atuatuaga lelei se tumafaiga i se taimi vave e logoina matua e uiga i le suesuega a le aoga. Afai ua maea taumafaiga i se auala talafeagai ae ua le mafai e le puleaoga ma le sui filifilia ona fa'afeso'otai matua e mafai e le aoga ona auai ma fa'amaeaina le suesuega. Afai e filifili le puleaoga e faia ni gaoiga mo le tu'uina atu o se fa'asalaga mamafa nai lo le aveese mai ona o se fa'afitauli matuia, o le faia e le puleaoga po'o le suif filifilia i le mae'a ai o le suesuega se lipoti tusitusia e aofia ai se auiliiliga pu'upu'u o tautinoga a molimau na fa'atalatalanoaina, ma isi lava mau ma mafuaaga a le puleaoga po'o le sui filifilia mo le faiaina o feuaiga fa'afa'asalaga.

(c) O le a tu'uina atu e le puleaoga po'o le sui filifilia se fa'aaliga o iuga e fa'asaga i le tamaititi aoga. Afai e teena e le tamaititi po'o matua nei tu'uaiga o le a fa'ailoa atu e le puleaoga po'o le sui filifilia i matua ma le tamaititi mau o lo'o lagolagoina ai iuga a le tagata ofisa o le aoga. O le tu'uina atu se avanoa i matua ma le tamaititi e tu'uina mai ai le itu a le tamaititi e tusa ai ma le fa'alavelave. [Eff and comp 9/10/09] (Auth: HRS §302A-1112) (Imp: HRS §302A-1112)

§8-19-8 Fa'amalologa (a) Po'o afea lava a iai loa se mafuaaga e talitonu ai le puleaoga po'o le sui filifilia ua auai se tamaititi i se gaoiga e ono fa'ataunu'uina ai se fa'amalologa, o le a faia loa lava e le puleaoga po'o le sui filifilia se suesuega o le mataupu. I le mae'a ai o le suesuega ma le iuga, e ono fa'amaloloina le tamaaititi pe a maua e le puleaoga po'o le sui filifilia e fa'amaonia ia iuga. O le a logoina e le puleaoga po'o le sui filifilia matua ise auala tusitusia e tusa ai ma le iuga ma gaoiga fa'afa'asalaga.

(b) Afai e teena e le tamaititi po'o matua tu'uaiga, o le a fa'ailoa atu e le puleaoga po'o le sui filifilia mau a le puleaoga o le aoga e lagolago ai iuga a ofisa o le aoga. O le a tu'uina i le tamaititi po'o matua po'o vaega uma e lua se avanoa e momoli mai ai le itu a le tamaititi. Ae afai e le mafai e le tamaiti ona malamalama i le mamafa o tu'uaiga, le natura o feuaiga ma ona a'afiaga, ona o ona tausaga, malamalamaaga ma lona agavaa e ono faigata ai ona maua se fa'atalatalanoaga uiga, o lea talosaga loa le puleaoga po'o le sui filifilia ina ia auai matua i le fa'atalatalanoaga.

(c) Afai o le aofaiga o aso fa'amalolo i so'o se kuata e silia atu i le sefulu aso, o le a fa'aaoga loa alafua o lenei mataupu sei vagana e ese se isi fa'asinoga a le tulafono.

(d) O le a tu'u gutu atu i matua se fa'asilasilaga o le fa'amalologa tusa pe o le a le umi. O le fa'aaliga muamua o le fa'amalologa o le a faia lea i le telefoni pe a talafeagai, o le fa'asilasilaga tusitusia e momoli patino ma lafoina atu i matua i le mae'a ai o le suesuega. O le fa'asilasilaga o le fa'amalologa o le a aofia ai fa'amatalaga o lo'o taua i lalo:

- (1) Tu'uaiga o gaoiga patino ua faia e le tamaititi ua fua iai lona fa'amalolo;
- (2) O tu'uaiga o gaoiga patino ua fa'amaoniaina.

- (3) O fa'amatalaga o gaioiga fa'afa'asalaga; ma
- (4) O fa'amatalaga o le aso, taimi ma le nofoaga e faia ai le fonotaga ua ofoina atu e le pulega o le aoga e feiloai ai ma matua. O se kopi o lenei fa'asilasilaga o le lafoina atu i le pule sili o aoga fa'aitumalo. E le gata i le fa'asilasilaga e pei ona mo'omia e le itu o lenei vaega, o le a taumafai foi le puleaoga ina ia fa'amautuina le fa'asilasilaga i le villiina lea o matua i le telefoni [Eff 9/1/82; am and ren §8-19-7, 5/23/86; am and comp 7/19/93; comp 5/19/97; am and comp 2/22/01; am and comp 9/10/09] (Auth: HRS §302A-1112) (Imp: HRS §302A-1112)

§8-19-9 O le gasologa e tatau ai mo fa'amalologa e silia atu i le sefulu aso, si'itiaga fa'afa'asalaga ma le fa'atea. (a) A fa'avae i luga o le suesuega le talitonuga o le puleaoga ma le sui filifilia ua auai le tamaititi aoga i se gaioiga e aofia ai le soliina o lenei mataupu ma ua fautuaina e le puleaoga ma le sui filifilia e tu'u atu se fa'asalaga e mamafa atu nai lo le aveese mai ona o se fa'afitauli matuia, o le a logoina loa lava e le puleaoga le pule sili o aoga fa'aitumalo mo le amataina o gaioiga fa'afa'asalaga ma maua mai ai le fa'atagana tu'ugutu mai le pule sili o aoga fa'aitumalo

(b) I le taulimaina ai o le pule tu'ugutu mai e le pule sili o aoga fa'aitumalo, o le a logoina ai loa e le puleaoga po'o le sui filifilia i lo laua fa'atuatuaga lelei matua e uiga i le:

- (1) Mataupu ua mafua ai le fa'asalaga mamafa,
- (2) Le avanoa mo se apili, ma
- (3) Fa'ataunu'uina loa lava o le fa'asalaga
- (c) I totonu o aso aoga e tolu na tu'u gutuina mai ai e le pule sili o aoga

fa'aitumalo le paoa le fa'atagana, o le a lafoina atu loa i le meli e le puleaoga po'o le sui filifilia se fa'aaliga tusitusia i matua e uiga i le mataupu ua mafua ai le fa'asalaga mamafa ma le pepa mo le apili i matua. E fa'aaogaina foi le saina a le pule sili o aoga fa'aitumalo i luga o pepa e fa'ailoa ai mataupu ua mafua ai fa'asalaga mamafa e fa'aalu i masini fa'aonaponei pei o komepiuta ma telesi pepa e fa'amaonia ai lea tulaga. O le fa'aaliga tusitusia o le fa'asalaga mamafa o le a aofia ai fa'amatalaga o lo'o taua i lalo:

- (1) Tu'uaiga o gaioiga maoti ua faia e le tamaititi aoga ua fa'avave ai le fa'asalaga mamafa;
- (2) O tu'uaiga o gaioiga patino ua fa'amaoniaina;
- (3) O le fa'amatalaga o se gaioiga po'o ni gaioiga fa'afa'asalaga; ma
- (4) Le fa'amatalaga e iai le aiatatau a matua e faia ai se apili i le pule sili o aoga fa'aitumalo i lena taimi e mafai ai e matua ona folasia ni mau, valaau ma fesiligia molimau, ma tulai mai se loia e fai ma o la sui i le ma e tatau i matua ona fa'ailoa mai i se auala tusitusia le tulai mai o se loia e suia i laua i le sefulu aso fa'akalena ae lei faia le apili.
- (5) A fia failaina se apili a se tamaititi po'o matua foi, e tatau ona tu'uina mai le apili i se auala tusitusia ma taulimaina e le pule sili o aoga fa'aitumalo i le tapunia ai fa'apisinisi i le lona fitu o aso fa'aleaoga talu ona tu'uina atu le fa'asilasilaga mo le fa'asalaga mamafa. O le a mafai ona fa'atagaina le tamaititi e aoga pea i lana aoga a'o talia le apili sei vagana ua maua e le puleaoga o le iai pea o le tamaititi i le aoga ua afua mai ai se tulaga

lamatia ia te ia po'o nisi foi po'o le afaina ai o le aiatatau a isi tamaiti e tuliloaina ai lo latou aoaoina e aunoa ma ni fa'asalavei. Ae peitai e le mafai ona auai le tamaititi i isi polokalame e ese mai i mataupu masani a le aoga e aofia ai a e le gata mai i afeleti, malaga ma kalapu.

(d) I totonu o le sefulu aso aoga e taulimaina ai se talosaga mo se apili, o le a fa'atulaga loa e le pule sili o aoga fa'aitumalo le aso, taimi ma le nofoaga mo le apili ona logoina loa lea o matua. O se fa'aaliga tusitusia o le apili o le a lafoina i matua, puleaoga ma le sui filifilia i le toe sefululima aso ao lumanai le apili. O le apili o le a fa'atautaia e le pule o aoga fa'aitumalo, pule sili po'o se tagata le fa'aituau a le matagaluega o aoga, po'o se sui filifilia le fa'aituau e pei ose sui o le matagaluega, tagata filifilia e le pule sili o aoga fa'aitumalo: o le a faia le apili e pei ona faaalua i lalo.

- (1) O le apili e lea tapunia sei vagana ua talosaga le tamaiti ma matua e tatala i le lautele;
- (2) E iai le aiatatau a matua, puleaoga ma le sui ua filifilia e le pule e fa'alauiloa atu ni mau, fesiligia ma tu'uina atu se tali fuaitau i se tautinoga sese.;
- (3) E mafai ona sui atu e se loia matua, puleaoga po'o le sui ua filifilia e le puleaoga;
- (4) O le pule o aoga fa'aitumalo po'o le sui filifilia le fa'aituau a le matagaluega o aoga e le manaomia le mulimulitai i tulafono aloaia mo mau;
- (5) O le pule sili o aoga fa'aitumalo po'o le sui filifilia le fa'aituau a le matagaluega o aoga o le a iloiloaina i se auala le fa'aituau mau o le a fa'alauiloaina;
- (6) E mafai e matua, pe a totogiina lava e matua ona pu'eina pe taulimaina se kopi o le pueina o le lipine a le matagaluega, po'o faamaumauga tusia o le gasologa o le pueina o le lipine pe afai e talosagaina mo le iloiloga a le fa'amasinoga. O le pule sili o aoga fa'aitumalo po'o le sui filifilia le fa'aituau a le ofisa o aoga o le a faamaumauna pe pueina foi le lipine o nei gasologa.
- (7) O le tu'uina atu e le pule sili o aoga fa'aitumalo se fa'aiuga tusitusia e le silia atu i le fitu aso aoga mai le aso na tapunia ai le apili, e fa'amanino atu ai gaiogiga o le faia ma le fa'avae o ia gaiogiga. O le fa'aiuga tusitusia o le a lafo tonu pe tuulima atu i matua, le loia a le tamaititi aoga o lo'o i fa'amaumauga ma se kopi a le aoga. A fa'ataunu'uina le gaiogiga fa'afa'asalaga o le a fa'ailoa mai e le pule sili o aoga fa'aitumalo le aofaiga o aso e fa'amalolo ai le tamaititi mai le aso e amata ai i le aso e fa'auma ai e aofia ai ma aso ua maea ona tuliina e le tamaititi.

(e) E mafai ona apiliina e matua le fa'aiuga a le pule sili o aoga fa'aitumalo i le tu'uina atu lea o se fa'aaliga tusitusia o le apili ma se fa'amatalaga patino pe o laua talosagaina se avanoa mo le fofogaina i luma o le pule o le ofisa o aoga poo le ua filifilia ni mataupu patino, ni pepa e lagolago ai se finauga ma ni mau o lo'o fia apili e le tagata. O le apili tusitusia o le a momoliina atu i le pule sili o aoga i totonu o le fitu o aso aoga talu ona tu'uina atu le fa'aiuga tusitusia a le pule sili o aoga fa'aitumalo. A

leai se talosaga patino mo le fofogaina o ia mataupu o le a faia loa e le pule sili o aoga po'o le sui filifilia se fa'aiuga e fa'avae mai i fa'amaumauga uma o le fa'agasologa o le mataupu e le pule sili o aoga fa'aitumalo ma le apili na tu'uina atu e matua. O le pule sili o aoga po'o le sui filifilia o le a faia se fa'aiuga tusitusia mulimuli. O le a mafai pea ona aoga le tamaititi i lana aoga a'o fa'atali le apili sei vagana ua maua e le pule sili o aoga o le iai pea o le tamaititi i le aoga ua tupu ai se tulaga e lamatia ai le tamaititi po'o le aiatatau foi o isi tamaiti e tuliloaina ai lo latou aoaoina e aunoa ma ni fa'asalavei. A aveesea mai le tamaititi i le aoga e talia ai le apili o le a faia loa e le pule sili o aoga po'o le sui filifilia se fa'aiuga i totonu o le luasefulutasi aso fa'akalena mai le aso na taulimaina ai le apili.

(f) I le taulimaina ai o se apili mai matua po'o le loia a matua, o fa'aiuga tusitusia uma a le Pule sili o aoga fa'aitumalo, pepa ma fa'amaumauga mai feuaiga o lo'o taua i le itu o le vaega (o) o le a pasi atu i le pule sili o aoga po'o le sui filifilia i totonu o aso e sefulu fa'akalena. O le a iloiloaina e le pule sili o aoga po'o le sui filifilia mau ma tu'u atu se fa'aiuga e fa'avae mai gaioiga fa'afa'asalaga i totonu o le sefulufa aso fa'akalena. O lenei fa'aiuga o le tu'u tino atu ma lafoina atu i matua po'o le loia o lo'o i fa'amaumauga. E le gata i lea o le a logoina matua i le aiatatau e tu'uina atu ai se tusi tetee ma folasia se finauga i le pule sili o aoga ma le sui filifilia O tusi tetee ma talosaga e folasia ai se finauga i le pule sili o aoga ma le sui filifilia e tatau ona taulimaina i totonu o le lima aso fa'akalena na tu'uina atu ai le fa'aiuga a le pule sili o aoga ma le sui filifilia. E mafai ona tu'uina atu e matua se tusi tetee ae le fa'aaogaina le aiatatau e folasia ai le finauga, ae peitai e leai se aiatatau e folasia ai le finauga pe a le tu'uina atu se tusi tete'e. Afai na talafeagai le taimi na tu'uina mai ai e matua le tusi tetee ma fa'atalosaga le aiatatau e folasia ai le finauga, i totonu o aso e lua fa'aleaoga o le a logoina atu ai e le pule sili o aoga po'o le sui filifilia matua i le aso patino, taimi ma le nofoaga e folasiaina ai le la finauga. O le aso e folasiaina ai finauga e le ititi ane i le lima aso fa'akalena ae le silia atu foi i le sefulufa aso fa'akalena mai le aso na logoina ai matua i le aso patino taimi ma le nofoaga e folasia ai le finauga. O le pule sili o aoga ma le sui filifilia o le a lafoina atu se fa'aiuga i matua po'o le loia o lo'o i fa'amaumauga i totonu o aso e sefulufa fa'akalena mai le aso na folasia ai le finauga ae afai o le mataupu na le fa'aaogaina e matua le aiatatau e folasia ai se finauga e i totonu o le sefulufa aso fa'akalena mai le aso na taulimaina ai le tusi tetee a matua. [Eff 9/1/82; am and ren §8-19-8, 5/23/86; am and comp 7/19/93; am and comp 5/19/97; am and comp 2/22/01; am and comp 9/10/09] (Auth: HRS §302A-1112) (Imp: HRS §302A-1112)

§8-19-10 Umi o gaioiga fa'afa'asalaga (a) Afai ua le mafai ona fa'ataunu'uina le fa'asalaga ona se iuga o feuaiga o se apili, e mafai ona tauaveatu le gaioiga fa'afa'asalaga i le tausaga aoga e so'so'o atu i so'o se aoga lautele ae le aofia ai aoga fa'avaitau o le mafanafana.

(b) Afai o gaioiga ua iu ini gaioiga fa'afa'asalaga na fa'atinoina i totonu o aso e luasefulu mulimuli o aso o fa'atonuga mo tamaiti i le tausaga aoga, o le gaioiga fa'afa'asalaga e mafai ona tauvave atu i le tausaga aoga o soso'o atu i so'o se aoga lautele e le aofia ai aoga fa'avaitau o le mafanafana.

(c) O lenei itu e le aofia ai solitulafono o la'au malosi. O gaioiga fa'afa'asalaga mo solitulafono o la'au malosi e fa'amalosia e le ititi ane i le tasi le tausaga fa'akalena.

(d) E ese mai lo lea ua fa'amatalaina i vaega o le itu (a) ma le (e) e leai se gaioiga fa'afa'asalaga e fa'auau i tua atu o le tausaga aoga na fa'atinoina ai lea gaioiga. [Eff 9/1/82; ren §8-19-9, 5/23/86; comp 7/19/93; am and comp 5/19/97; comp 2/22/01; am and comp 9/10/09] (Auth: HRS §302A-1112) (Imp: HRS §§302A-1112, 302A-1134)

§8-19-11 Nisi galuega fa'alea'oaoga e ese atu ma isi fesoasoani pe a maua le tamaiti ua ia soliina lenei mataupu (a) O le pule sili o a'oga fa'aitumalo o le a fa'amautinoaina o galuega fa'aaoga e ese mai i galuega masani, faapea ma le auai o matagaluega lautele ma tumaoti o le a tu'uina atu i se auala talafeagai mo tamaiti uma ua aveeseina ona o ni fa'afitauli matuia mo se piriota e silia atu i le sefulu aso po'o le fa'amaloloina foi mo se piriota e silia atu i le sefulu aso a'oga.

(b) Mo tamaiti uma o lo'o fa'amaloloina mo le tasi i le sefulu aso, e ono sauina e le puleaoga po'o le sui filifilia nisi galuega fa'alea'oaoga e ese atu e tusa ai ma manaoga o le tamaititi aoga.

(c) O tulafono a le pulega mo tamaiti e le atoatoa le malosi o le tino a Hawaii o le a fa'aaogaina mo tamaiti e agava'a i lalo o lenei mataupu

[Eff 9/12/82; am and ren §8-19-10, 5/23/86; comp 7/19/93; comp 5/19/97; comp 2/22/01; am and comp 9/10/09] (Auth: §302A-1112) (Imp: HRS §§302A-1112, 302A-1128)

VAEGA OLE MATAUPU 3

AMIO LE PULEA A LE TAMAITITI AOGA MA FA'ASALAGA I TAIMI O AOGA I LE VAITAU O LE MAFANAFANA

§8-19-12 Gaioiga Fa'afa'asalaga: pule. O le fa'atonu o aoga fa'avaitau o le mafanafana po'o le sui filifilia o le aoga o le a nafa ma le faia o fa'asalaga agai i so'o se tamaiti o le a auai i aoga fa'avaitau o le mafanafana. [Eff 5/23/86; comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: HRS §302A-1112)

§8-19-13 O amioga e le fa'atagaina; solitulafono i le vasega. (a) O amio e le fa'atagaina o lo'o taua i lalo e aofia ai tamaiti uma o lo'o a'ooga i aoga o le vaitau o le mafanafana, luga o le lotoa, po'o isi nofoaga a le matagaluega, luga o taavale, tausinioga e lagolagoina e le matagaluega i totonu po'o fafo o le a'oga.

- (1) Solitulafono Vasega A
- (A) Fa'ao'olima;
- (B) Talepe fale;
- (C) Umiaina ma le tagofiaina o meafaigaluega po'o meafaitino matautia;
- (D) Umiaina ma le fa'aaogaina o aupega mata'utia;
- (E) Umiaina, fa'aaogaina ma le fa'atauina o meafaitino e gaosi ai fualaau fa'asaina;
- (F) Fa'aaogaina o auala solitulafono e maua ai mea;

- (G) Fusuaga;
 - (H) Umiaina ma le fa'aogaina o laau malosi;
 - (I) Fasioti tagata;
 - (J) Tagofiaina ma le fa'atauina o fualaau fa'asaina;
 - (K) Umiaina, tagofiaina ma le fa'atauina o vaila'au e fa'atupu ai le ona;
 - (L) Fa'atamaia meatotino po'o le fa'aleaga mea;
 - (M) Gaoi fa'amalosi;
 - (N) Solitulafono o feusuaiga fa'amalosi;
 - (O) Taufamata'u fa'aterorisi.
- (2) Solitulafono Vasega E
- (A) Taufamata'u;
 - (B) Fa'amata'u e fa'aoga ai masini televave fa'aonaponei;
 - (C) Amio le Pulea;
 - (D) Fa'ailo sese;
 - (E) Saini seseina;
 - (F) Ta'alo tupe;
 - (G) Sauaina;
 - (H) Fa'aogaina o metotia saua e fa'aulufale ai se tagata i totonu o se sosaiete po'o se fa'alapotopotoga;
 - (I) Fa'aogaina i ni aualea le talafeagai po'o le fesiligia foi o le initaneti ma masini;
 - (J) Gaoi; po'o
 - (K) Solivaleina o se nofoaga;
- (3) Solitulafono Vaega C:
- (A) Gagana Masoa;
 - (B) Le Auai i Vasega;
 - (C) Le Usitai;
 - (D) Umiaina ma le fa'aogaina o le peni/fa'asino leisa;
 - (E) Tu'ua o le aoga e aunoa ma se fa'atagana;
 - (F) Ulaulapo'o le tagofiaina o le tapa'a; po'o le
 - (G) Tiai Aoga
- (4) Solitulafono Vasega D:
- (A) Umiaina ma le tagofiaina o oloa fa'asaina;
 - (B) Fa'afitauli laiti o le amio
 - (C) Isi tulafono a le a'oga
- (b) O se tamaititi aoga i le aoga fa'avaitau o le mafanafana na te fa'atinoina ni solitulafono se lua mai solitulafono o le vasega C ma le vasega D e pei ona fa'amatalaina i le itu 8-19-6 ao fa'asolo tualumaga o le aoga fa'avaitau o le mafanafana o le a tu'uina atu iai se lapataiga mo le solitulafono muamua ma e ono aveesea mai ma le aoga fa'avaitau o le mafanafana mo le solitulafono lona lua.
- (c) So'o se tamaititi e fa'atinoina se solitulafono mai le Vasega A po'o le Vasega E o le a fa'atea ma le aoga fa'avaitau o le mafanafana. O le fa'atonu o le aoga po'o le tagata filifilia a le aoga o le a feiloai ma le tamaititi ma matua a'o lei fa'ateaina

ma le aoga fa'avaitau o le mafanafana. O le a failaina e le fa'atonu o le aoga se lipoti i le Pule sili Aoga Fa'aitumalo ma o le a taua'aoina atu se kopi i matua.

(d) E mafai e le fa'atonu o le aoga fa'avaitau o le mafanafana po'o le sui filifilia o le aoga, ona aveesea mai le tamaititi i se tulaga tupu fa'afuasei ona o se fa'afitauli matuia pe fa'apea o le amio a lea tamaititi e ono lamatia ai lona saogalemu po'o le saogalemu foi o isi po ua fa'asoesa tele ua manaomia ai le aveese mai ina ia fa'atumauiina le aiatatau a isi tamaiti o le mauaina lea o lo latou a'oa'oina e aunoa ma ni fa'alavelave le mo'omia. O le a logoina ma feiloai le fa'atonu o le aoga ma le sui filifilia a le aoga ma le tamaiti ma matua ae lei toe fa'aa'eina le tamaititi i le aoga fa'avaitau o le mafanafana. E leai se tamaititi e toe fa'aa'eina e aunoa ma se fonotaga. O le a failaina e le fa'atonu ma le sui filifilia o le aoga se lipoti i le Pule Sili o Aoga Fa'aitumalo ma o le a taua'aoina atu foi se kopi i matua. [Eff 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: HRS §302A-1112)

VAEGA O LE MATAUPU 4

SUEINA O LE AOGA MA LE FAOA O MEAFAITINO

§8-19-14 Tulafono mo le tatalaina ma le sueina o loka a tamaiti aoga. O loka i le aoga o lo'o tu'uina atu i tamaiti i luga o le lotoa e mafai ona tatalaina ma suesueina (sosogiina e taifau) e sui o le aoga i so'o se taimi pe iai pe leai foi se mafuaga, sei vagana ai tulaga nei, tagatanu'u, lanu, atunu'u na muai sau ai, tupuaga, alii pe tamaitai, ituaiga tagata e fa'anaunau iai ma le fa'aaliina o lea tulaga, tapuaiga, fa'aletonu o le tino po'o le ituaiga tagata. O le itu 8-19-15 e le mafai ona fa'aaogaina e tatala ai ma suesue (ma sosogi e taifau) loka a tamaiti aoga. O nei itu 8-19-15 e o'o atu i le 8-19-18 e fa'atatau i suesuega fa'alauaitetele o le aoga ma le faoa o mea o le a fa'auiga o se auala e fausia ai se lagona e le fa'ailoaina fa'alauaitetele loka a tamaiti aoga. E tatau i tamaiti ona iloa o a latou loka e ono tatalaina ma suesueina (sosogiina e taifau) i so'o se taimi pe a iai se mafuaga pe leai foi. [Eff 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)]

§8-19-15 Tulafono i suesuega fa'alauaitetele i aoga ma le faoa o mea totino. Sei vagana e pei ona tu'uina atu i le itu 8-19-14 e fa'atatau i loka a tamaiti aoga e talafeagai le manatu o tamaiti i le malutia o o latou tagata totino i luga o le lotoa, isi nofoaga o le matagaluega o aoga, taavale a le matagaluega ao faia se galuega, po'o se tausinioga e lagolagoina e le matagaluega i totonu po'o fafo o le aoga. E iai foi le fa'anaunauga alatatau a le aoga ina ia fa'atumauiina le filemu ma se siosiomaga e mafai ona maua ai le aoaoina i le fa'ataunu'uina o lena fa'anaunauga alatatau o le a iai ni taimi e ono fa'atautaia ai e sui o le aoga ni suesuega ma le faoa o mea totino i luga o le lotoa, isi nofoaga o le matagaluega, taavale, a'o faia ni galuega po'o se tausinioga e lagolagoina e le matagaluega i totonu po'o fafo o le aoga O le tulafono lautele sei vagana ai le itu 8-19-14 e fa'atatau i loka a tamaiti o suesuega ma le faoa o mea totino e fa'atagaina pe

afai e iai se mafuaaga tatau e masalomia ai e tusa ai ma tulaga e lagolagoina ai o le suesuega o le a aliae mai ai ni fa'amaoniga o le tamaititi po'o tamaiti foi ua soliaina le tulafono po'o amioga e le fa'atagaina i lalo o lenei mataupu. O suesuega ma faoa o mea totino e fa'atautaia e sui o le aoga o le a mulumulitaia tu'utu'uga o vaega o lenei mataupu. [Eff 5/23/86; comp 7/19/93; comp 5/19/97; comp 2/22/01; am and com 9/10/09] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)]

§8-019-16. Pule Vagana ua ese mai i aiaiga i le itu 8-19-14 e fa'atatau i loka a tamaiti aoga, e mafai ona sueina meatotino pe afai e iai mafuaaga tatau e masalomia ai e tusa ai ma tulaga o tulai mai ma le talitonuga o le suesuega o le a aliae mai ai ni fa'amaoniga o se tamaititi po'o tamaiti po'o isi i luga o le lotoa, isi nofoaga o le matagaluega, luga o ta'avale a le matagaluega pe a'o faia foi se galuega po'o se tausinioga e lagolagoina e le matagaluega i totonu po;o fafo o le aoga ua soliina le tulafono po'o se vaega foi o lenei mataupu. O le sui o le aoga o lo'o fa'atautaia le suesuega o le a toalua ma le isi sui o le aoga e galue o se molimau sei vagana o se tulaga fa'afuasei ua manaomia ai se gaoiga fa'avave ina ia puipuia le soifua maloloina ma le saogalemu o se tagata po'o ni tagata foi [Eff 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

§8-19-17. O tu'utu'uga e mafai ai ona faia ni suesuega fa'alauaitete ma faoa ni mea totino i le aoga (a) Vagana ua ese i aiaiga o le itu 8-19-14 e fa'atatau i loka a tamaiti aoga, e mafai e sui o le ofisa ona fa'atautaia se suesuega ma faoa mea totino pe afai ua fa'amalieina tu'utu'uga uma o lo'o taua i lalo:

- (1) I le taimi o fa'atautaia ai le suesuega, ua iai ni mafuaaga tatau e masalomia ai e tusa ma le tulaga ua tulai ma o le suesuega o le a aliae mai ai ni fa'amaoniga ua soliina e le tamaititi po'o ni tamaiti foi le tulafono po'o vaega ua fa'asaina i lalo o lenei mataupu
- (2) O le ala e fa'atinoina ai le suesuega ua talafeagai ma le mafuaaga o le suesuega.
- (3) O le a logoina le tamaititi o le a sueina i le mafuaaga o le suesuega ma o le a tu'uina iai le avanoa e tu'uina atu ai mea o lo'o sueina i le sui o le aoga i lona lotomalie.

(b) O le a logoina le puleaoga po'o le sui filifilia e le sui o le aoga o le a fa'atautaia le suesuega o le a faia se suesuega ma le mafuaaga o lea suesuega sei vagana o se tulaga tupu fa'afuasei ua manaomia ai le faia loa o se gaoiga ina ia malutia le soifua maloloina ma le saogalemu o se tagata po'o ni tagata foi.

(c) A silia atu nai lo le toatasi le tamaiti aoga ua masalomia ua soliaina le tulafono a talafeagai pe a le a'afia ai le soifua maloloina ma le saogalemu, o le a amata mai i le tamaititi pito i masalomia lona umiaina o le mea faitino o lo'o sueina le suesuega a le sui o le aoga o lo'o fa'atautaia le suesuega [Eff 5/23/86; am and comp 7/19/93; am and comp 5/19/97; comp 2/22/01; am and comp 9/10/09] (Auth: HRS §§302A-1112, 703-309(2)) (Imp: Hawaii Const. Art. X, §3, HRS §§302A-1101, 302A-1112, 703-309(2))

§8-19-18 O suesuega e le fa'atagaina ma le faoa o mea totino. Sei vagana ai ua le pei o lea e tu'uina atu i le itu 8-19-14 e fa'atatau i loka a tamaiti aoga:

(1) E le fa'atagaina ni suesuega fai fua.

(2) E le fa'atagaina suesuega e aveeseina ai lavalava.

(3) E le fa'atagaina se sui o le aoga ona faia se suesuega e mo'omia ai le pai atu i le tino o le tamaititi sei vagana ai o lea suesuega e manaomia ina ia puipuia mai le soifua maloloina po'o le saogalemu o se tagata po'o tagata foi.

(4) A'o fa'atautaia le suesuega, e le fa'atagaina le fa'aaogaina o le malosi agai se tamaititi aoga sei vagana ua talitonu le sui o le aoga e manaomia le fa'aaogaina o le malosi ina ia puipuia le soifua maloloina ma le saogalemu po'o vaega uma e lua o se tagata po'o tagata foi pe afai foi e tete'e fa'aletino mai le tamaititi i le suesuega.

(5) O se suesuega e fa'atautaia i lalo o aiaiga o le vaega o lenei mataupu o le a fa'agata mai i se mea po'o ni mea faitino na mafua ai le suesuega. Ae o so'o se mea faitino lava e maua ao fa'atautaia le suesuega e ono faoa e sui o le aoga pe afai o le umiaina o lea mea faitino ua solia ai se tulafono po'o se vaega o lenei mataupu, pe afai o le le faoa e ono fa'amata'uina ai le soifua maloloina po'o le saogalemu o se tagata po'o ni tagata e aofia ai ma sui o le aoga o lo'o fa'atautaia le suesuega. [Eff 5/23/86; comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

VAEGA O LE MATAUPU 5

LIPOTIINA O SOLITULAFONO

§8-19-19 Lipotiina o Solitulafono Vasega A ma le Vasega B, e tutupu i le a'oga
(a) So'o se faiaoga, tagata ofisa po'o se isi lava tagata faigaluega a le matagaluega ua molimauina se solitulafono vasega A po'o le E e pei ona fa'amatalaina i lenei mataupu, po'o iai le talitonuga ua fa'atinoina pe ono fa'atinoina foi se solitulafono vasega A po'o le B e se tamaiti aoga faiaoga, tagata ofisa po'o se si lava tagata faigaluega a le matagaluega pe a'afia ai foi meatotino a le aoga e tatau ona lipotia fa'avave lea fa'alavelave i le puleaoga po'o le sui filifilia o le aoga. E leai ma se itu i totonu o lenei vaega e ono taofia mai ai le faiaoga. tagata ofisa po'o se si lava tagata faigaluega a le matagaluega mai le lipotiina o se solitulafono vasega C ma le D i le puleaoga po'o le sui filifilia fi a le a'oga.

(b) I le taulimaina ai e le puleaoga po'o le sui filifilia o le aoga o se lipoti e a'afia ai solitulafono i le vasega A ma le vasega E, o le a fa'atautaia loa se suesuega e saili ai pe o le amioga ua mo'omia ai le vala'au sa'o i leoleo pe o se amioga e mafai ona foia i alafua fa'afa'asalaga a le a'oga. O le a valaa'uina e le puleaoga po'o le tagata filifilia o le aoga leoleo pe a fa'apea e masalomia e ono o'o i se tulaga faigata ma e le mafai foi e le aufaigaluega a le aoga ona foia lea amioga.

(c) O le a fa'amauina e le puleaoga po'o le sui filifilia fa'amatalaga i le nofoaga o fa'amauga a le aoga i luga o le komepiuta i totonu o aso e lima e lipotia atu ai le solitulafono.

(d) O le a logoina e le puleaoga po'o le sui filifilia le faiaoga, tagata ofisa po'o se tagata faigaluega na tu'uina atu le lipoti, le gaoiga fa'asalaga o le a faia pe afai e fai i le totonu o aso e lima talu ona tu'uina atu le lipoti e tusa ai ma le vaega C o lenei mataupu.

(e) Afai e le fa'amalieina le faiaoga, tagata ofisa po'o se si lava tagata faigaluega i le gaoiga fa'afa'asalaga ua faia i le solitulafono na lipotia pe leai foi se gaoiga ua faia i totonu o le sefulu aso talu ona na lipotia lea fa'alavelave e le faiaoga, tagata ofisa po'o se tagata faigaluega, e mafai ona avatu se apili tusitusia a le tagata na faia le lipoti i le Pule Sili o Aoga Fa'aitumalo.

(f) I totonu o aso e lima e taulimaina ai se apili e pei ona fa'ailoa atu i le vaega (e), o le a logoina atu ai e le Pule Sili o Aoga Fa'aitumalo po'o le sui filifilia o le aoga i se auala tusitusia gaoiga fa'afa'asalaga ua faia e tusa ai ma solitulafono ua lipotia i le na tu'uina mai le apili. [Eff 9/1/82; am and ren §8-19-11, 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §§302A-1112, 302A-1002) (Imp: HRS §§302A-1112, 302A-1002)

§8-19-20 Puipuia mai le lipotiaina o solitulafono vasega A ma le vasega B. O so'o se faiaoga, tagata ofisa po'o se tagata faigaluega a le matagaluega e lipotia se solitulafono i lona fa'atuatuaga lelei e pei ona mo'omia i lalo o le §8-19-19 o le a puipuia ma o le a le oo iai se afaina e tusa ai ma le itu 302A-1003 Tulafono toe lloilo a Hawaii. [Eff 9/1/82; am and ren §8-19-12, 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §§302A-1112, 302A-1003) (Imp: HRS §§302A-1112, 302A-1003)

§8-19-21 Pa'u le lipotiina o solitulafono Vasega A po'o le Vasega B, e tutupu i le aoga; a'afiaga (a) O le Pule sili o A'oga o le a saunia se fa'asililaga tusitusia fa'ale tausaga i aoga ma ofisa e pa'u le lipotiina o solitulafono vasega A ma le B e tutupu i luga o le lotoa, isi nofoaga o le matagaluega, luga o ta'avale, pe a'o fa'atinoina se galuega po'o se tausinioga e lagolagoina e le matagaluega i totonu o le aoga po'o fafo foi e ono i'u ini gaoiga fa'afa'asalaga fa'asaga i faiaoga, tagata ofisa ma isi tagata faigaluega a le matagaluega o lo'o a'afia. O nei gaoiga fa'afa'asalaga e ono aofia ai:

- (1) Lapataiga Tu'ugutu
- (2) Lapataiga Tusitusia
- (3) Fa'amalolo e aunoa ma se totogi
- (4) Fa'apau le tulaga
- (5) Fa'atea

(b) O faiaoga, tagata ofisa, po'o se tagata faigaluega a le matagaluega ua le lipotiina solitulafono i le vasega A ma le B, e pei ona mo'omia e le itu 8-19-19 e ono fa'asalaina e tusa ai ma tulafono ma feuaiga a le matagaluega.

(c) O so'o se faiaoga, tagata ofisa, po'o se tagata faigaluega a le matagaluega ua fa'asalaina i lona le lipotiina lea o solitulafono Vaega A ma le Vasega

B, e tutupu i luga o le lotoa, po'o se si nofoaga a le matagaluega, po'o luga o ta'avale a le matagaluega, pe a o faia se tausinioga o lo'o lagolagoina e le matagaluega i totonu po'o fafo o le lotoa o le a mafai ona iai le aiatatau e apili ai le fa'asalaga ua tu'uina atu e le tulafono a le setete, tulafono ma feuiaiga a le matagaluega po'o ni maliega o fetu'unaiga tu'ufa'atasi talafeagai. [Eff 9/1/82; am and ren §8-19-13, 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §§302A-1112, 302A-1002) (Imp: HRS §§302A-1112, 302A-1002)

VAEGA MATAUPU 6

FA'ATALATALANOAGA MA LEOLEO MA LE AVE FA'APAGOTAINA

§8-19-22 O fa'atalatalanoaga ma leoleo i le aoga mo solitulafono e a'afia ai le aoga. (a) E ono o'o atu leoleo i le aoga e fesiligia se tamaititi i le taunu'u atu i le aoga o le a aga'i atu loa i le puleaoga po'o le sui filifilia o le aoga e fa'atalosaga se fa'atagana e fa'atalatalanoa ai le tamaititi. A talia le talosaga, o le a taumafai le puleaoga po'o le sui filifilia o le aoga e logoina matua e uiga i le fa'atalatalanoaga ma le aiatatau e mafai ai ona auai i le taimi e faia ai lea fa'atalatalanoaga. E mafai ona fa'ataunu'uina le fa'atalatalanoaga pe afai e le'i mafai e le puleaoga ma le sui filifilia o le aoga ona logoina matua, pe afai foi ua mae'a ona logoina matua ae teena le auai mai, po ua mae'a foi se taimi talafeagai talu ona tu'uina atu le fa'aaliga ae le o'o mai matua i le aoga mo le fa'atalatalanoaga ma leoleo.

(b) E auai le puleaoga po'o le sui filifilia o le aoga sei vagana ua le faitaulia e le leoleo.

(c) Afai e ave fa'apagotaina se tamaititi, o le a mulimulitaia e le puleaoga po'o le sui filifilia o le aoga feuiaiga o lo'o fa'amatalaina i le vaega 8-19-24. [Eff 9/1/82; am and ren §8-19-14, 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

§8-19-23 Fa'atalatalanoaga a leoleo i le aoga mo solitulafono e le a'afia ai le aoga. (a) O le a fa'afeso'otai e leoleo le aoga ma fautuaina le puleaoga po'o le sui filifilia o le aoga i le natura ma le tulaga o le asiasiga. I le taunuu ai ile aoga o le a aga'i atu loa le leoleo i le ofisa o le puleaoga po'o le sui filifilia e fa'atalosaga se fa'atanaga mo le fa'atalatalanoaina o le tamaititi aoga.

(b) A'o lei faia se fa'atalatalanoaga, o le a logoina e le puleaoga po'o le sui filifilia o le aoga i matua le aiatatau e auai ai a'o fa'atautaia le fa'atalatalanoaga a leoleo. E mafai ona faia lea fa'atalatalanoaga pe a maua mai se maliega tu'u gutu a matua. O le itu e mo'omia ai le fa'aaliga ma le maliega mo lenei vaega e le mulimulita'iina pe afai o le aoga o le fa'atalatalanoaga e a'afia ai ni sauaga i le tamaititi po'o se solitulafono o lo'o masalomia ai matua po'o se tasi foi o le aiga e fa'asaga i le tamaititi.

(c) O le a teuina e le puleaoga ma le sui filifilia o le aoga se fa'amaumauga ma tusia i lalo le igoa o le tamaititi, aso o le fa'atalatalanoaga a leoleo, igoa o le leoleo ma le numera o lana pine ma le numera o le lipoti pe a maua.

(d) A ave fa'apagotaina e leoleo se tamaititi aoga o le a mulimulitai loa le puleaoga ma le sui filifilia o le aoga i feuaiga o lo'o fa'ailoa mai e le vaega 8-19-24. [Eff 9/1/82; am and ren §8-19-15, 5/23/86; am and comp 7/19/93; am and comp 5/19/97; comp 2/22/01; am and comp 9/10/09] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

§8-19-24 Ave fa'apagotaina e leoleo mai totonu o le aoga O leoleo o le a fa'asino atu i le puleaoga po'o le sui filifilia foi a le aoga. A tusa ai o le a fa'apea ona auina atu le tamaititi aoga i le ofisa o le puleaoga e fa'atauina ai le ave fa'apagotaina e pei ona fuafua. I le taunuu ai o leoleo e ave fa'apagotaina le tamaititi o le a fa'apea ona taumafai le puleaoga po'o le sui filifilia o le aoga ise talitonuga lelei ina ia logoina matua o le tamaititi. [Eff 9/1/82; am and ren §8-19-16, 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS 302A-1112) (Imp: Hawaii Const. Art. X, §3; HRS §§302A-1101, 302A-1112)

VAEGA MATAUPU 7

TOTOGI MO MEA UA FA'ALEAGAINA

§8-19-25 Sala mo le Fa'aleaga Mea (a) A fa'amaonia le fa'aleagaina e se tamaititi aoga o se fale, nofoaga po'o se lotoa a le aoga; o le totogiina o mea ua fa'aleagaina o le a faia lea e matua po'o lea tamaititi. E leai se sala e totogiina pe a fai e le fa'amaoniaina le fa'aleagaina e le tamaititi o ia mea.

(b) E le gata i vaega ua taua i lenei mataupu, e ono filifili le Setete ina ia faia so'o se gaiogiga talafeagai mo le toe mauaina mai o meatotino a le aoga ua fa'aleagaina.

(c) Afai e faia se fa'asalaga o se tamaititi i lalo o lenei mataupu, o feuaiga mo le totogiina o mea ua fa'aleagaina e fa'atoa faia ina ua mae'a feuaiga mo le fa'asalaga ma ua iai le mafuaga ua talitonuina ai e le puleaoga ma le sui filifilia o le ofisa o lo'o fa'atautaia le suesuega ua soliina e le tamaititi aoga ni vaega o lenei mataupu. [Eff 5/23/86; comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: HRS §§302A-1112, 302A-1153)

§8-19-26 Alafua e fa'aoga mo le fa'aleaga mea (a) O so'o se taimi lava e talitonu ai le puleaoga po'o le sui filifilia o le ofisa e iai se tamaititi aoga ua masalomaiaina lona fa'aleagaina o le faleaoga, nofoaga po'o le lotoa le aoga o le a amataina loa lava se suesuega.

(b) Afai o le fa'aleaga mea o se gaiogiga e ono a'afia ai le tamaititi i fa'asalaga i lalo o lenei mataupu, o le fa'aopopo e le puleaoga po'o le sui filifilia o le aoga o se vaega o le suesuega i lalo o le itu 8-19-7, 8-19-8, 8-19-9 ma le 8-19-10, iuga o mau ma tulaga e lagolagoina ai le toe totogiina o mea ua fa'aleagaina i lalo o vaega o lenei

mataupu. O nisi gaioiga e agai ile tofogiina o mea ua fa'aleagaina o le a tu'u fa'apalalau seia maua se tonu o gaioiga fa'asalaga ma ua mae'a uma alafua mo se apili.

(c) I le mae'a ai ole suesuega ma ua fa'amaonia e le puleaoga po'o le sui filifilia foi o le aoga o le tamaititi lea ua fa'aleagaina mea, o le a fa'atulaga loa e le puleaoga po'o le sui filifilia o le aoga se fonotaga ma le tamaiti aoga ma ona matua. E fa'atapula'a tagata e mafai ona auai i lea fonotaga ile puleaoga po'o le sui filifilia o le aoga, tamaititi aoga ma matua.

(d) E muai fa'ailoa atu le fa'aaliga mo le fonotaga i se tusi e fa'aogaina ai pepa aloaia a le matagaluega ma lafoina atu ile pusameli i matua. E le mafai ona fa'atagisia le tofogi mo ni mea ua fa'aleagaina mai ni matua po'o se tamaititi foi sei vagana ua logoina matua ma tu'u atu iai se avanoa e tali mai ai. O lenei fa'aaliga o le a logoina ai matua i fa'aiuga, aso, taimi ma le nofoaga o le fonotaga. O lea fa'aaliga o le a lafoina e tusa ma le sefululima aso fa'akalena a'o lumanai le fonotaga. Afai e tatau, ina ia maua se feso'otaiga mautu o le a tusiaina lenei fa'aaliga i le gagana muamua a matua. E mafai ona fa'aoga e le aoga isi auala mo feso'otaiga e pei o le telefoni e o lua ma le feso'otaiga tusitusia ile va o le aoga ma matua.

(1) E tatau ona tali mai matua i totonu o le fitu aso fa'akalena talu ona tu'uina atu le fa'aaliga

(2) O le aso o le fonotaga o lo'o tu'uina atu i le fa'aaliga e mafai ona toe fa'atulaga pe afai e fa'afeso'otai atu e matua o le tamaititi le aoga ma toe taupule se isi aso fou mo le fonotaga. O le talosaga mo le toe fa'atulagaina o le aso o le fonotaga e tatau ona faia i totonu o le fitu o aso fa'akalena talu ona tu'uina atu le fa'aaliga.

(3) I mataupu e le silia atu ile \$3,500 e ono maua mai ile fonotaga ma tu'utu'uga e le uia ala fa'aletulafono se maliega. A talia lea maliega o le a faia loa se maliega tusitusia mo le toe tofogiina o mea ua fa'aleagaina i le va o matua ma le aoga. E fa'atoa faia lea maliega tusitusia pe a fa'apea e le silia atu ile \$3,500 mea ua faaleagaina.

(e) Afai o le a le tali mai matua i totonu o le taimi fa'atapula'a e mafai e le puleaoga po'o le sui filifilia a le ofisa ona:

(1) Toe fa'atulaga le aso o le fonotaga pe a manatu le puleaoga po'o le sui filifilia a le ofisa o se tulaga le ma'alofia na mafua ai le le tali mai pe afai foi e mo le lelei o le aoga po'o le tamaititi; po'o le

(2) Fa'ailoa atu i matua e ala i se tusi o le fa'aaliga ua mae'a ona tu'uina atu e mo se avanoa e faafofoga ai iai i le feiloaiga ma le puleaoga po'o le sui filifilia foi a le ofisa, ae ona ole le tali mai i le faaaliga maua o se tali o le a tu'uina atu loa le mataupu e le pule aoga ma le sui filifilia i le puleaoga faaleitumalo mo nisi faatinoga.

(f) O le fonotaga o le a fa'atautaia i ala e pei ona taua i lalo:

(1) O tagata e mafai ona auai ile fonotaga o le puleaoga, sui filifilia a le aoga, tamaititi aoga ma matua. E ese mai i matua, tamaititi aoga, puleaoga po'o le sui filifilia a le ofisa o le aoga lea na iai mea ua fa'aleagaina e leai lava ma se isi tagata e fa'atagaina i totonu o le fonotaga tusa lava po'o le a se mafuaga.

- (2) I lenei fonotaga o le a fa'alauiloa ai e le puleaoga po'o le sui filifilia a le ofisa o le aoga na tupu ai le fa'alavelave iuga o le su'esuega ma mea e mana'omia mo le totogiina o mea ua fa'aleagaina.
- (3) A talia e matua ma le tamaititi aoga le aofaiga ma le auala e totogiina ai mea ua fa'aleagaina, o le a faia loa e le puleaoga po'o le sui filifilia a le ofisa, matua ma le tamaititi aoga se maliega tusitusia i luga o pepa aloaia a le matagaluega o lo'o fa'amanino mai ai le auala e faaleleia ai mea ua faaleaga ma le taimi fa'apiriota ua tu'uina mai e fa'amae'a ai le totogiina o mea ua fa'aleagaina pe afai e le silia atu ile \$3,500. O le toe faaleleia o mea ua fa'aleagaina e mafai ona faia i so'o se auala e aofia ai le totogiina mai ole tupe e matua ma le tamaititi aoga. Afai e silia atu i le \$3,500 mea ua faaleagaina o le a tu'uina atu loa le mataupu ile Pule Sili o Vaega o Fale o le ole a fa'aauauina atu le mataupu ile loia sili a le malo mo nisi gaioiga.
- (4) A mae'a ona totogiina atoa le tupe mo mea na fa'aleagaina , o fa'amaumauga uma e fa'atatau ile su'esuega ma le fonotaga o le a teuina e le aoga mo tausaga e tolu. E leai se fa'amatalaga e uiga ile suesuega po'o le fonotaga ma le faaiuga ua faia e tu'uina atu i so'o se tagata e le'i a'afia tonu i nei feuaiga.
- (5) A fa'ataunu'u loa le maliega tusitusia ae le tausisia e matua ma le tamaititi aoga tu'utu'uga o lenei maliega, e ono tu'uina atu e le pule po'o le sui filifilia o le ofisa le mataupu ile Pule Sili o Aoga Fa'aitumalo. O le a iloiloina e le Pule Sili o Aoga Fa'aitumalo lenei mataupu ma faia se gaioiga talafeagai e ono aofia ai le tuuina atu ile Loia Sili mo nisi gaioiga.
- (6) A le taliaina e matua ma le tamaititi aoga iuga ua faia e le puleaoga ma le sui filifilia o le ofisa, o le a tu'uina uma atu ele puleaoga ma le sui filifilia o le ofisa fa'amaumauga o le suesuega ma le fonotaga ma o le a lipotiina iuga ma tulaga o le mataupu i le Pule Sili o Aoga Fa'aitumalo o le a iloiloina ma faia se gaioiga talafeagai e ono aofia ai ma le tu'uina atu ile Loia Sili mo nisi gaioiga. A silia atu le tau o mea ua fa'aleagaina i le \$3,500 o le a tu'uina atu loa le mataupu i le Loia Sili mo isi gaioiga. [Eff 5/23/86; am and comp 7/19/93; comp 5/19/97; comp 2/22/01; am and comp 9/10/09] (Auth: HRS §302A-1112) (Imp: HRS §§302A-1112, 302A-1153)

§8-19-27 UA FAALEAOGAINA

§8-19-28 UA FAALEAOGAINA

§8-19-29 UA FAALEAOGAINA